

HAMBA, UVUSE JESU

 Asichubeke nekuma sikhashana manje, futsi sitoba nelivi lemkhuleko.

² Ngifuna kutsi, kuyinhlanhla lenkhulu nje kimi kuba lapha kusihlwa kuleGrantway Assembly, nekuhlangana nemelusi wenu lotsandzekako lapha ngembili, nalenhlanganyelo lenhle. Bengitifokotela letotingoma, ngime emuva lapho, futsi ngiva lamantfombatane, ngikholwa kutsi bekungiwo, ahlabela lawomaculo lamahle. Futsi ayikho intfo lefana nekuhlangana ndzawonye nekukhonta iNkhosi, ikhona yini?

³ Manje asikhotsamise tinhloko tetfu umzuzwana nje futsi sikhulume naLona Lesitele kutomkhonta.

⁴ Babe wetfu loseZulwini, sibantu labanenhlanhla kusihlwa, kutsi siphile nekutsi sibutsane lapha kutsi siKukhonte, futsi siyaKubonga ngaloko. Futsi manje, asiketeli lenye inhoso kodvwa kutsi siKukhonte, nekuniketa inkhatimulo neludvumo kuWe ngaloko Losentele kona. Futsi impela siyakuvuma impela kungafaneleki kwetfu. Asikafanelwa ngulokunjalo.

⁵ Nekubona lusuku lesiphila kulo, lapho tibane setiya ngekufiphala! Futsi sidzinga namuhla kuvuka kwemprofethi, njengoba kwakunjalo etinsukwini taSamuweli, ngesikhatsi Eli, ngesikhatsi acala kufiphala, nekukhanya kwakucisha ethempelini laNkulunkulu. Wase-ke Nkulunkulu uyavuka enkhundleni. Futsi siyahuleka, Nkhosi, kutsi utovuka enkhundleni kusihlwa emkhatsini wetfu, futsi utotibonakalissa Wena lucobo uphila, u—umprofethi lomkhulu wabo bonkhe baprofethi, iNdvodzana yaNkulunkulu lophilako.

⁶ Futsi si—siyafundziswa emBhalweni, kutsi, “Nkulunkulu etikhatsini tasendvulo nangetindlela letehlukene wakhulumka kubobabe ngebaprofethi, kodvwa kulolusuku lwekugcina ngeNdvodzana yaKhe Jesu Khristu.” O, Nkhosi, sikhulekela kutsi Utobasemkhatsini wetfu kusihlwa ku—kutokwenta Bukhona baKho batiwe kitsi, ngemisebenti yaKho lemikhulu nekubonakalisa.

⁷ Busisa lombsano, Babe, nemelusi wawo, lokwemukeleka lokutsandzekako, indvodza lenenhlitiyo lenemusa, neyakhe... . nawo onkhe emagonsa akhe, emadikhoni, nemmango. Futsi nje kwangatsi kungaba sikhatsi lesikahle kakhulu senhlanganyelo. Futsi siyetsema kutsi sitophuma lapha sitfokota, sitsi, “Tinhlitiyo tetfu betingavutsi yini ngekhatsi kwetfu lapho asakhulumka natsi endleleni?” ngoba sikucela eGameni laJesu, iNdvodzana yaKho. Amen.

⁸ Impela kuvakala kukuhle kubuya ebandleni. Bengihambile tinsuku letimbalwa ngiye e—e—e—eholidini, enhla eluhambeni,

luhambo lwekutingela, futsi ngabuya. Nekutivelu ubuye emuva langembili futsi, kuvakala kumnandzi kakhulu.

⁹ Futsi manje bengi nalesimemo lesi lesivela kumelusi wenu lapha, uMnaketfu Mack, emavikini latsite lendlulile, kutsi ngite entasi lapha. Kodvwa kwenteka kanjalo kutsi, niyati, tincingo, netindzawo letitohamba, ngaze nga—ngangalitfoli litfuba lekukwenta.

Futsi kusasa ngifanele ngenyukele ePhoenix.

¹⁰ Bese-ke ngelusuku lolulandzelako sisuka siya eNew York ngoba lihhola lelisha lelakhiwe lapho, futsi sitfola tinsuku letimbalwa tekucala kuko. Futsi ngako sikanye neMnaketfu Arne Vick, ne—nemabandla lasita ngetimali. Futsi si... Nginesiciniseko kutsi umelusi wenu uyamati uMnaketfu Vick. Futsi, cha, hhayi Arne Vick. Ngiyacolisa. Ngikholwa kutsi kwakunguJohane, mhlawumbe umnaketfu, nelibandla Stone Church, umelusi welibandla Stone Church, lelingulelikhulu libandla lePhentekhostali eNew York.

¹¹ Bese-ke sisuka lapho sibuye entasi eShreveport, eLouisiana, siye engcungcutheleni lapho neMnaketfu Jack Moore. Sasilapho kukunye ngakunye kuBonga. KuBonga lokutsatfu lokwendlulile, ngacala umhlangano lapho; iNkhosi yenta, njalo. Ngiyacolisa. Nemvuselelo ayikaze iphele kusukela lapho. Njalonjalo, bantfu bayangena, basindziswe, futsi bagcwaliswe ngaMoya loyiNgcwele, njalonjalo kusukela ngalesosikhatsi. Nemvuselelo ichubeka njalo. Futsi sinetinsuku letisihlanu kanye nabo. Futsi-ke ngicabanga nge...

¹² Sibuye-ke e...enhla ePhoenix, kucala tilishumi nemfica, eRamada Inn lapho. Kwekulala, tilishumi nemfica, tingemashumi lamabili, tingemashumi lamabili nakunye, tingemashumi lamabili nakubili, nemashumi lamabili nakutsatfu, ngiyacabanga, ngumhlangano. Ngalokuvamile, ngisuka ebandleni ngiye ebandleni, ngaphambi kwengcungcuthela yemaDvodza labosomaBhizinisi labangemaKhristu. Kodvwa sinenkhatsato nge...Ucala libandla lekulala, khona-ke mhlawumbe lelilandzelako lincane, nebantfu abakhoni kungena. Futsi ngako siyativeda, ke, uma ngingatfola iRamada, lehlala lapho, o, tinkhulungwane letintsatfu noma letine, yebo-ke, khona-ke ngingabahlanganisa bonkhe ndzawonye, wonkhe umuntfu ndzawonye, futsi ngichubeke busuku lobune ngaphambi kwengcungcuthela yeFull Gospel yemaDvodza labosomaBhizinisi labangemaKhristu. Futsi ngitoba nebusuku lobubili, ngiyacabanga, ngikhulume busuku lobubili kuleyo. Lokukutsi, uMnaketfu Roberts naletinye tikhulumi letikahle tikhulumka kulowomhlangano.

¹³ Bese-ke, kusukela lapho, ngiya eVisalia. Bese-ke sesiya etulu kute cishe kube ngeNdlovulenkhulu, lapha e-United

States. Bese-ke siya e-Europe kuyovakasha, kute kube yiNhlaba, futsi bane ngcungcuthela yemhlaba lapho. Bese-ke, futsi, ngitokhuluma busuku lobusihlanu ePhiladelphia, emgwacweni sengibuya, nengcungcuthela yeFull Gospel Business Men's International. Bese-ke siyahamba, kusuka lapho, siya eDurban, eNingizimu Africa, futsi sichubeke, sicale ngeNyoni titimbili kuze kubenatisitupha. Futsi kuchubeke kuye eJohannesburg, futsi sichubekele eKenya naseNairobi, futsi kwengce lapho.

¹⁴ Futsi ngako tsine impela, njengoba ngimemetela loku, kucela imikhuleko, ngoba uma ngitfola bucotfo lobukhulu nekuva kwebantu lobutsene, longemaKhristu. Lawo ngemandla ami, ebuKhristwini, nebantu bangikhulekela. Futsi ngi-ngiyayicela impela imikhuleko yenu. Futsi ningentele loko, uma ningakhona.

¹⁵ Manje, kusihlwa, asifuni kutsatsa sikhatsi lesinengi kakhulu, ngoba ku—ku—kungeliSontfo ebusuku, futsi nifanele nisebente ngeMsombuluko. Kodvwa ngiyatsandza nje kukhuluma ngeNkhosi, futsi ngitotama kukwenta nje ngekushesha lokukhulu longingakhona kukwenta. Futsi ngikholwa kutsi indvodzana yami itsite ikhiphe lamanye emakhadi ekukhulekelwa kutsi kukhulekela labagulako, uma iNkhosi ihola ngaleyondlela, kukhulekela bantfu labagulako.

¹⁶ Manje, ekukhulekeleni labagulako, tsine si...Nguloko kuphela lesingakwenta, kukhulekela labagulako nje. Uma kuhkona kuphiliswa, kutofanele kuvele kuNkulunkulu. Futsi manje, kucabanga ngaletotintfo sisakhuluma, onkhe emakhono leniwadzingako kuphiliswa sekavele alapha, ngesikhatsi Jesu Khristu iNdvodzana yaNkulunkulu itsenga letintfo leti eKhalvari. Futsi tivulelwe nomangubani lotsandzako, lofuna kabanekuphiliswa kwaNkulunkulu. Intfo lekuphela lokuyibitako kukusebentisa kukholwa kwakho.

¹⁷ Cabanga nje, gezi asetintsanjeni, kodvwa ufanele ufacate lelikinobho. Niyabona na? Ufanele ufacate lelikinobho. Futsi ngekukholwa ufacata lelikinobho, ukholwa kutsi kutosebenta. Manje, uma tonkhe tintsambo tichumene ngalokufanele, nembane wagezi useluhwayeleni, khona-ke uma ufacate lelokinobho intfo letsite itokwenteka. Yebo-ke, leyo yindlela lefanako lokungayo ngekuphilisa kwaNkulunkulu, ngensindziso, noma tonkhe letincenye Khristu latifela, kusinika tona. Yonkhe intfo yase iphelile eKhalvari. Futsi intfo lekuphela lesifanele siyente kutsi, ngekukholwa, sifacate likinobho. Bese-ke siyahamba, lapho kukhanya, niyabona. Kulula nje. Futsi lapho...

¹⁸ Tsine lesikhulekela labagulako, sikhatsi lesinengi basinameka ngeligama lemphilisi waNkulunkulu. Kodvwa kukhona impela...

¹⁹ [Lomunye umnaketfu ukhuluma neMnaketfu Branham mayelana nemshini wetipikha—Umhl.] (Kulungile, mnumzane. Ngiyabonga.)

²⁰ Impela, ayikho intfo letsiba ngu—ngumphilisi waNkulunkulu, ngoba Khristu unguLowoMphilisi. Niyabona na? Futsi ayikho intfo letsiba ngumsindzisi webuNkulunkulu, emkhatsini webantfu. Khristu unguLowoMsindzisi. Futsi cabangani nje, kutsi wonkhe umuntfu losindzisiwe, noma loyoke asindziswe, wasindziswa eKhalvari. Ngulapho la, “Yalinyatwa ngenca yetiphambeko tetfu, nangemivimba yaYo siphilisiwe tsine.” Khona lapho, saphiliswa.

²¹ Manje, intfo lekuphela kutsi, kushumayela Livi. Jesu Khristu, iNdvodzana yaNkulunkulu, yatfuma bafundzi baYo kutsi baye emhlabeni wonkhe futsi bashumayele liVangeli kusukela lapho, yatsi, “Letibonakaliso leti tiyobalandzela labakhholwako.”

²² Futsi njalo sitfola tigaba letintsatfu tebantfu emkhatsini welibandla, lokukutsi: emakholwa mbamba, bazenzisi, nalabangakholwa. Ngako si... Bonkhe bahlangene ekhatsi lapho. Bebanabo ngelusuku lwaKhe. Sinabo natsi manje.

²³ Kodywa likholwa mbamba alitami kutfola inkhulomo letsite lenkhulu yekuhlakanipha, noma umuntfu lotsite logcoke kahle, noma lenye inkhosu lenayo lucobo langembili. Kodywa ngekukholwa lokulula nje... Khristu ulula kakhulu, kutsi, labahlakaniphile beca ngetulu kwesicongo sako. Abakutfoli. Kepha, noko, kulula nje njenge—njengesandla sakho sangesekudla. Niyati, Jesu wambonga Babe ngalesosikhatsi sinye, kutsi, “Bekatifihlile letintfo leti kulabahlakaniphile nalabanekucondza, futsi watembulela bantfwana bona labatofundza.” Niyabona na?

²⁴ Futsi namuhla, uma emabandla etfu aba ngulokunengi kakhulu kwekubukisa kweHollywood, esikhundleni nje seliVangeli lelilula, niyabona, sekuba ngumbukiso wekugcoka, neku—nekwekugcoka kwekuhlakanipha, kuze kungatsi kudida bantfu. Kodywa ngi—ngiyakutsandza nje ngalendlela liBhayibheli lelinako ngayo lapha, kubamelula nje, kukholwa kutsi umsebenti wase ucedziwe nguLowo lomkhulu, Jesu Khristu, futsi Yena siyamtsandza futsi simniketa ludvumo.

²⁵ Manje asikhulume ngaYe, kodwa kucala asifundze lokunye kweLivi laKhe. Ngiyatsandza kufundza Livi laKhe, ngoba liBhayibheli lasho, kutsi, “Kukholwa kuta ngekuva, kuva Livi laNkulunkulu.” Manje, tsine, bangakhi labalikhholwako Livi laNkulunkulu? Ake sibone. O, loko kuhle. Uma silikholwa leloLivi, nguloko kuphela lesifanele sikhente, uma siLikholwa. Manje, leyo yintfo leminka, uma siLikholwa.

²⁶ Futsi manje caphelani, lapho tinsuku tendlula, ngifanele ngintjintje. Ngifanele ngitsi, “Yebo-ke, emnyakeni lophelile

nge—nge—ngenta intfo letsite, kodvwa angiyentanga kahle. Ngifundza lokunengi ngayo.” Uyakwenta. Sonkhe siyakwenta; isayensi iyakwenta. Isayensi iyyoveta lokutsite, itsi, “*Loku kunjalo ngekwesayensi.*” Futsi ekhatsi nemnyaka, akusinjalo ngekwesayensi. Kodvwa inkhatsato yako kutsi, ngesi ngabo, bangeke bakuvume. Sifanele sikuvume, futsi sitsi sineliphutsa. Niyabona na?

²⁷ Kodvwa, kunentfo yinye ngaNkulunkulu, Akalenti liphutsa. Nesincumo saKhe sekucala sincumo saKhe lesikuphela kwaso, ngoba Ungulongenasiphetfo. Nekuba ngulongenasiphetfo, loko kuphelele kuhindvwve ngalokuphelele, kuhlanganiswe nalokuphelele. Futsi, kuphelela, akunasiphetfo. Bekati tintfo tonkhe kusukela ekucaleni. Akadzingi kutsi abuyisele livi emuva. Akadzingeki kutsi atfutfuke, ngoba sincumo saKhe sekucala ngiso kuphela sincumo lesingake sentiwe. Akalengeti lwagti, atfole kuhlakanipha lokutse geagca, njengoba sitisho kutsi siyakwenta. Kodvwa Yena bekaphelele, kwekucala nje.

²⁸ Ngako, ngako-ke, uma nomayini lesiyifundza eBhayibhelini, lokukutsi, sikhola ngalokucinile kutsi liLivi laNkulunkulu. Futsi uma sifundza Loko, singaphumuta umphefumulo wetfu kuLoko ngco. Nkulunkulu angeke aze aKugucule. Uma Agucuka, khona-ke U—Ufana nje njengoba nginjalo, niyabona, Unesiphetfo, futsi Ugcwele emaphutsa. Kodvwa Akasuye Ionesiphetfo. Ungulongenasiphetfo, futsi Angeke ente liphutsa.

²⁹ Ngako-ke, uma umuntfu wekucala eta kuYe, nenkhatsato lonayo kusihlwa, uma kukwensindziso, licebo Nkulunkulu lihleli phansi, kusindzisa lowomuntfu ngalo, licebo lelifanako Lakusindzisa ngalo. Futsi Bekanelicebo linye, futsi loko kwakungengati lecitsiwe. Nemuntfu uta kuYe ngekugula, etikwetisekelo Laphilisa lowomuntfu kuto, Ufanele agcine leyontfo lefanako ingunaphakadze. Uma ente lokutsite ngesifundvo, ngendlela yinye ngalesinye sikhatsi, nangalenyne indlela ngalesinye sikhatsi, khona-ke bewungeke wati kutsi usondzela kanjani kuYe. Kodvwa, niyabona, Ufanele ente lokufanako impela njalo, ngako-ke siyaMetsema. Niyabona na?

³⁰ Futsi uma nomayini ingenteki, lesiyicelile, sifanele sihlole emuva futsi sibone kutsi lilayini libambeke kuphi. Niyabona na? Kukhona lokungalungi, ndzawanatsite. Mhlawumbe umfutfo lomnengi kakhulu uchumise li-fiyuzi, niyabona. Kodvwa si—sifanele silungise lentfo. Bese-ke uma wonkhe...uma kwetfu...uma si...Uma imimoya yetfu ingasilahli. Niyabona na? Uma besingakalahlw, khona-ke sinemusa kuNkulunkulu, siyati kutsi sitokutfola lelesikucelako. Sinesicelo setfu ngoba kute lokusilahlako.

³¹ Kodvwa uma kuna lokusilahlako ngekungakholwa, sono sanoma nguluphi luhlobo...Nesonon kungakholwa.

Kunetinhlobo letimbili kuphela, tintfo letimbili lapho wonkhe umuntfu emhlabeni laphila ngato, loko kutsi, kusekhatsi kwekutsi kukholwa noma kungakholwa. Kute kubasemkhatsini nendzawo. Akukho ndvodza ledzakiwe lengakadzakwa kusihlwa. Kute tinyoni letimhlophe letimnyama kusihlwa. Futsi kute labangcwele labasoni. Kusekhatsi kwekutsi utelwe kabusha noma awukatalwa kabusha. Kusekhatsi kwekutsi siyakholwa noma asikholwa.

³² Ngako-ke, ngiyakholwa, kutsi, uma Jesu ehlulela umhlab... Lokukutsi, Nkulunkulu uyokwehlulela umhlab naJesu Khristu. Ngikholwa kutsi sitokwehlulewa ngaleliBhayibheli. Manje, Nkulunkulu angeke abenebulungiswa, njengoba sikholwa, futsi nje atimele njengoba Anjalo, futsi angabi nalo lizinga lelitsite lesehlulewa ngalo.

³³ Yebo-ke, uma bati site... “Utokwehlulela live ngelibandla.” Manje, nguliphi lelibandla? Niyabona na? IKhatolika itsi, “Singilo.” Yebo-ke, nguyiphi yona iKhatolika? Yebo-ke, iRoma itsi, “Singilo.” EmaGrikhi atsi, “Cha, cha. Singilo.” Niyabona na? NemaMethodisti atsi, “Singilo.” EmaBaptisti atsi, “Singilo.” NePhentekhostali itsi, “Singilo.” Nalolomunye utsi, “Singilo.” Niyabona na? Kodvwa ngi... Loko bekungadida kakhu. Bantfu bebangeke batu kutsi batokholwa ini.

³⁴ Kodvwa, “Ekucaleni bekakhona Livi, naLivi bekakuNkulunkulu, naLivi bekanguNkulunkulu. NaLivi waba yinyama wakha emkhatsini wetfu,” longuye itolo, namuhla, naphakadze. Nguloku kwehlulelw kwetfu lokuvela kuko, liBhayibheli, ngako asikholwe ngesizotsa lonkhe Livi.

³⁵ Futsi ngishito, lolocobo, lelwati lwekutalwa kabusha lutogizelela sonkhe setsembiso saNkulunkulu nga “amen.” Bangeke betame kutsi, “Yebo-ke, loko kwakukwalolunye lusuku,” noma, “Loko akusiko kwetfu. Moya loNgewe bekawebantfu emuva kulolunye lusuku.” Cha, cha.

³⁶ Phetro watsi, ngeluSuku lwePhentekhosti, “Lesetsembiso senu, nesebantfwanu benu, nakulabo lokhashane lena, ngisho nabo bonkhe iNkhosi Nkulunkulu wetfu leyobabita.”

³⁷ Jesu watfuma libandla laKhe, watsi, “Hambani niye eveni lonkhe futsi nishumayele liVangeli. Loyo lokholwako futsi abhabhatiswe uyosindziswa. Loyo longakholwa uyolahlw, futsi,” sihlanganiso, “letibonakaliso leti tiyobalandzela labakholwako: EGameni Lami bayokhipha emadimon; bayokhuluma ngetilimi letinsha; baphatse tinyoka, noma banatse lokubulalako, ngeke kubalimate; babeke tandla tabo etikwalabagulako, futsi bayosindza.” Manje, loko ku-loko kusekhatsi kwekutsi kucinisile noma kuliphutsa. Kimi, ngilula. Ngi—ngikholwa kutsi kulungile, futsi nguloko kuphela lengifanele ngihambe ngako. Labo labetama kukuchaza

bakukhweshise, a—angikhoni nje kukubona loko. Ngikhola wa kutsi kuLivi laNkulunkulu, futsi kuliCiniso.

³⁸ Manje, ngingahle ngingabi nekukholwa lokwenele kwenta sonkhe lesosento, kodvwa impela bengingeke ngifune kuma endleleni yalotsite lobekanekukholwa lokwenele. Ngingahle ngingabi nekukholwa lokwenele kutsi ngibe njenga-Enoki, lowatsatsa kwelula tinyawo kwantsambama naNkulunkulu, futsi akadzingekanga kutsi afe, wavele wenyukela eKhaya. Kodvwa impela ngitotsandza kubona lomunye akwenta manje, niyati. Ngi—ngingeke ngifune kuma endleleni yakhe, akwenta. Ngikhulekela lolohlobo lwekukholwa, ngoba ngulolohlobo lwekukholwa lesitodzingeka sibe nalo. “Tsine lesisekhona sisasele ekuBuyeni kweNkhosi siyoguculwa ngesikhashanyana, ngekucwabita kweliso, futsi sihlwitfwе kanyekanye nalabavukile ekufeni, kuhlangabeta iNkhosi emoyeni, futsi sibe naYo njalonjalo.” Leso sifiso senhlitiyo yetfu.

³⁹ Manje, asivule manje kuMatewu, sahluko se 8, futsi sicale ngelivesi lema 23, kufundza i—incenye lencane yemBhalo lapha, kutfola ingcikitsi, noma sihloko, njalo, kwengcikitsi ye—yemiBhalo lembalwa lengiyibhale phansi lapha, lengifuna kutsatsisela kuyo, nalokunye kuphawula, emanotsi. Matewu 8:23, kucala, futsi sifundze livesi lema 27, nalo.

Futsi ngesikhatsi angena emkhunjini, bafundzi bakhe bamlanzela.

⁴⁰ Ngiyakutsandza loko. BaMlandzela nomakuphi lapho Aya khona.

Futsi, bukani, nako kuvuka siphepho lesikhulu elwandle, ngangekutsi lomkhumbi wambonywa ngemagagasi: kepha yena bekalele.

Nebafundzi bakhe beta kuye, base bayamvusa, batsi, Nkhosi, sisindzise: siyahhubha.

Wase utsi kubo, Kungani nesaba, O nine belukholo loluncane? Wase Uyaruka-ke, futsi wekhuta lemimoya nelwandle; futsi kwabakhona kuthula lokukhulu.

Kodvwa lamadvodza amangala, atsi, Hloboluni lwemuntfu lolu, kutsi ngisho nemimoya nelwandle kuyamlalela!

⁴¹ Manje, iNkhosi itsandza, ngifuna kutsatsa nje livesi lelifishane lelincane ngephandle lapho; kuvakala kwangatsi akukejwayeleki, emagama lamatsatfu: *Hamba, Uvuse Jesu*, noma, “Kubitela Jesu enkhundleni.”

⁴² Manje, loku kwakusikhatsi lesikhulu kakhulu semhlangano weNkhosi yetfu, noma inkonzo yaKhe yasemhlaben. Futsi ngikhola wa kutsi inkonzo yaKhe yasemhlaben ayikaze incamuke, ngoba Ukubantfu baKhe manje. Nkulunkulu

bekakuKhristu; Khristu kubantfu. Futsi Wenta imisebenti yaKhe lefanako manje Layenta ngalesosikhatsi. Ngako Wakhatsala, futsi bekakhandlekile ngelusuku, esahlukwени saphambilini, ngekusho kwa—kwaMakho 4:35. Siyatfola lapho kutsi Bekaphilise maketala waPetro anekushisa, futsi kwakukadze kunemimangaliso lemikhulu leminengi Lebekayentile.

⁴³ Futsi siyatfola lapha kutsi Bekafundzisa ngemifanekiso, sonkhe sikhatsi ahambahamba enta kuyala kwaBabe. Futsi bekungabakuhle uma sonkhe siMtsetse waba sibonelo setfu: sonkhe sikhatsi mayelana nemsebenti waBabe.

⁴⁴ Futsi Ufanele kutsi bekakhatsele futsi akhandlekile, endleleni yaKhe. Futsi ngiyaMbona, Bekanesidzingo sekuwelela eGalile. Futsi lapho Acala kwewela, akhatsele futsi akhandlekile, emandla bekaphumile kuYe, kuto tonkhe letintfo leti Lebekatentile, ashumayela, akhulekela labagulako.

⁴⁵ Futsi Bekati, ngoba BekanguNkulunkulu, futsi Bekati kutsi kwakunemsebenti lomkhulu ngaphambili. Bekati kutsi kwakuneluhlanya ngale eGadara, lebelukadze luyindvodza yasendle iminyaka, umfo lomcane, njengoba sitjelwa, lobekalahlekelwe kucabanga kwakhe—kwakhe kwebuntfu, futsi wahlala emathuneni anamoya lomubi. Futsi indzawo lenje pho yemuntfu kutsi aphile, endzaweni yemathuna, kodvwa kuyamfanela kakhulu develi kutsi abesemkhatsini wetintfo letifile. Ngako bekahlala ngephandle lapho, futsi bekahlaseleke kakhulu kakhulu ngalamadimoni, baze ba—ba (yena—yena) adzabula emaketane, nemandla akhe bekangemandla lamakhulu kakhulu.

⁴⁶ Futsi nike nambona umuntfu lobekashaywe ngumoya lomubi kanjalo? Unemandla laphindvwwe kanengi kunemandla akhe. Ngibacaphele kanjani emihlanganweni, ngesikhatsi emacembu emaphoyisa angakhoni ngisho kubabamba. Bekawadzabula emaphoyisa abe ticucu, bese uwalahla le eceleni, bese—bese uphumela e... futsi achubeke.

⁴⁷ Uyindlela... Ngoba utinikele ngalokugewele kulomubi, kwase kuyambamba, besete kwakhe kucondza. Wenta kuphela loko umoya lomubi lowawukubeka kuye kutsi akwente.

⁴⁸ Ngase—ke ngiyacabanga, ngekutinikela lokuphelele kudeveli, anganiketa umuntfu mhlawumbe emandla laphindvwwe kasihlanu, bekungentani ke kumuntfu kutinikela lokuphelele kuNkulunkulu na? Bekungentani elunyongeni lolubutsakatsaka emtimbeni, futsi lungakhoni kuhamba, noma lokutsite? Kube nje besingatinikela ngalokuphelele kuMoya loNgcwele, siphe emandla lamakhulu kakhulu, kutsi sivuke eGameni, ngoba, “Mkhulu lowo lokini kunalowo loseveni.” Niyabona na? Wena...E—emandla kuNkulunkulu, Iakuwe, makhulu kunanoma ngukuphi kuhlaseleka lokungafika etikwakho.

Akukho lokungakwendlula, lokungatsatsa indzawo yakho, ngoba ugcwele emandla lamakhulu kakhulu. Nalawomandla lamakhulu kakhulu nguMoya loyiNgcwele lobusa imphilo yakho, uma ungumKhristu.

⁴⁹ Nalomsebenti lomkhulu wawubekwe emkhatsini waKhe nelusuku lolulandzelako, futsi Bekakwati loku. Futsi ngako lapho umkhumbi usawela lwandle, Watsatsa litfuba lekuphumula kancane. Manje, umnaketfu, umelusi lapha, nalabanye bafundisi, uyati kutsi kuchaza kutsini emkhatsini wemhlangano wasekuseni nemhlangano wantsambama. Tikhatsi letinengi, ikakhulukati uma utfola emakhilomitha lambalwa njengoba nami nginawo, ungatsandza kulala phansi futsi uphumule imizuzu lembalwa, niyati, ukhatsele nje.

⁵⁰ Futsi khumbulani, Jesu bekangumuntfu; lobunengi buntfu, Bekangafa; lobunengi kakhulu buntfu, Bekangakhala; lobunengi buntfu, Bekangalamba. Beka, ngemcondvo munye, umuntfu, ngoba BekayiNdvodzana yaNkulunkulu ledalako. Nkulunkulu wahlala kuYe. Manje, kodvwa Bekangumuntfu. Futsi Bekangumuntfu naNkulunkulu, kanyekanye. Nkulunkulu wadala saKhi-ngati esibeletfweni sentfombi Mariya.

⁵¹ Lokukutsi, siyati kutsi ingati iyefika, i-himoglobhini, ivela ebulilini bewesilisa. Sikhukhukati singalitalela licandza, inyon; kodvwa uma singakaze sihlangane neyesilisa, lingke lichoboselwe. Alikavundzi. Ngako kuvela kuyesilisa.

⁵² Futsi kuloludzaba, lelelidvuna kwaku nguNkulunkulu, uMoya, Jehova, uYise. Futsi Wasibekela intfombi ntfo futsi wadala leSakhi-ngati lesaveta uMuntfu, Khristu Jesu, lokwa kuyindvodzana yaNkulunkulu. Manje, Bekangesilo liJuda kanjalo angesuye neweTive. Beka nguNkulunkulu. Ngoba, niyabona, Bekangesiyo ingati yebuJuda, kanjalo futsi Bekangesiyo ingati yebeTive. BekayiNgati yaNkulunkulu, iNgati ledaliwe yekusihlenga. Ngako akukho mJuda noma weTive longatsi Bekawetfu noma loyo. Bekawe...Wafela sive sa-Adamu lesiwile, nhlangotsi totimbili, kubo bonkhe bantfu, ndzawotonkhe, lebe batoMkholwa.

⁵³ Manje, lokuphumula lokuncane, bafundzi baKhe babuyela emuva emaseyilini abo. Futsi ngiyacabanga kutsi bebamadvodza elwandle sibili ngoba bebatalelw lapho elwandle, futsi bakhuliselwa lapho, futsi bati yonkhe i-iminininingwane yelwandle nalamenti laneludlame, nalapho kwakunemagagasi khona, nalapho tinhlanti tatikhonakhona, nema-awa netikhatsi. Ngako batsatsa tigwedlo tabo futsi baMlandzela. Bekaya ngesheya eGadara. Bekayovele nje acedze imvuselelo ngakulolu lolunye luhlangotsi, njengoba Bekatowela lwandle.

⁵⁴ Manje, ngekukhatsala, Uya ngemuva emkhunjini, futsi—futsi lomunye webabhali watsi Walala phansi emcamelweni: kufanele kutsi bekasakhatsese. Futsi cabangani nje imizuzwana

lembalwa, nekutsi Wasebenta kanjani kutsi asisindzise. Tonkhe letintfo leti betitekusisita. Futsi Ubuyela emuva, kutsi alale phansi. Manje, bafundzi...

⁵⁵ Imvuselelo seyiphelile. Imvuselelo yalolosuku seyiphelile, futsi manje sebabuyelete emsebentini wabo wekugwedla nekuntjweza elwandle. Futsi bafanele kutsi bebakadze bajabulile ngemisebenti lebebaMbone ayenta. Lemisebenti Lebekayentile, bafanele kutsi bebacoca ngetento taKhe, ngoba Bekalengemuva esikebheni, alele.

⁵⁶ Futsi ngicabanga loko, kakhulu kutsi, kuyafana nalokwenteka kulesikhatsi lesiphila kuso, niyabona, lemvuselelo lesesivele sendlulile kuyo, lemvuselelo yephentekhostali, imvuselelo lenkhulu yekuphilisa leyatamatamisa umhlabu wonkhe jikelele. Cabangani nje, imililo yemvuselelo ivutsa kulolonkhe ligcuma emhlabeni, umhlabu jikelele nasemhlabeni jikelele. Ngiyawuhamba, njalonjalo. Ngilungiselela kwenta lolunye luvakasho lwemhlabu wonkhe. Futsi kulolonkhe live, nakuto tonkhe tive, imililo yemvuselelo yephentekhosti iyavutsa. EmaPresbyterian ayayemukela, emaBaptisti, emaLuthela, emaMethodisti. Impela ngumlindvo wekugcina kutsi uma Nkulunkulu abita bantfu baKhe. Nalemililo lemikhulu yemvuselelo iyavutsa.

⁵⁷ Nalabafundzi laba, njengoba sinjalo namuhla, imvuselelo yase iphelile. Futsi bebakadze babutsene enhla embikwe mkhumbi, mhlawumbe, noma etingwedleni tabo, futsi bebakhuluma ngaloko Lebekakwentile, imisebenti yaKhe, leyaMetfulla ngalokucacile kubo, ngekuba nguloko Lebekatisho kutsi ungiko.

⁵⁸ Manje, niyati, umuntfu angatisho kutsi ungunoma yini lenye. Kodvwa leso akusiso sibonakaliso sekutsi banguloko labatisho kutsi bangiko. Niyabona na? Si—siyakutfola loko kuyo yonkhe imihambo yekuphila. Sitfola batsengisi labatisho kutsi babatsengisi, kepha bangesibo. Sitfola bosomagesi labatisho kutsi babosomagesi, kepha bangesibo. Sitfola bomakhenikha labatisho kutsi babomakhenikha, kepha bangesibo. Futsi sitfola bantfu labatisho kutsi bangemaKhristu, kepha bangesiwo.

⁵⁹ Jesu wakubeka ngalokucacile kutsi umKhristu bekayini. Niyabona na? “Letibonakaliso leti tiyobalandzela labakholwako,” niyabona, kutsi batokwentani, kutsi liBandla lelikholwako liyokwentani. Futsi Yena anguNkulunkulu, nalongenasiphetfo, Wa—Wa—Watsi, “Emazulu nemhlabu kutawendlula, kodvwa Livi laMi lingeke lehluleke.” Ngako, kufanele kuhlale kungaleyondlela. Wakusho. Ngiyakukholwa.

⁶⁰ Manje, bafundzi bacocisana lomunye nalomunye, loko imisebenti yaKhe, lebeyentiwe, nekutsi bantfu bebuyemukele kanjani. Loko kungahle kube bekyingcogco yabo, ngaYe anguMesiya. Futsi bekungekho kungabata emicondvweni

yalabanye bantfu. Sibonelo nje, bangahle kube batsi, "Manje, Mosi watsi iNkhosi Nkulunkulu wetfu iyovusa umprofethi lonjengaye. Nomangubani longeke amuve lomprofethi uyonicunywa kubantfu. Manje, siyati kutsi Mesiya bekatoba ngumProfethi-Nkulunkulu. Bekatoba nguMuntfu lobekayoba ngu—ngumProfethi lomkhulu kakhulu. Bekatoba nguNkulunkulu webaprofethi, kodvwa, noko, ngesento, Uyoba ngumProfethi, ngoba Livi laNkulunkulu lita kuperhela kumprofethi. 'Livi laNkulunkulu lita kumprofethi.' Manje, futsi-ke Yena angu... Lelo bekuLivi nje leleta kubaprofethi, kodvwa Yena bekaLivi. Niyabona na? Ngulowo umehluko. Ngako Bekafanele abe ngumProfethi.

⁶¹ Futsi akungabateki kutsi bebacocile ngesikhatsi, Simoni, ngesikhatsi kucala aMbona, futsi Wamtjela kutsi bekangubani, kutsi ligama leyise lalingubani. Futsi, ngani, bekatı kutsi lowoMuntfu bekangamati, ngako bekatı kutsi lowo kufanele kube ngumprofethi. Kwase kutsi-ke ngesikhatsi Filiphu abona loku, futsi wahamba watjela Nathanayeli, naNathanayeli wabuya kutobona, nekutsi kwakwentekani. NaJesu wakhulumna naye futsi watsi, "Bukani umIsrayeli," ngephandle lapho etetsamelini, niyati, eme naFiliphu, watsi, "lokungekho nkohhliso kuye."

⁶² Watsi, "Rabi, Ungati nini?" Ngalamanye emagama, loko kwakukwekucala kutsi bake baMbone.

⁶³ Watsi, "Ngaphambi kwekutsi Filiphu akubite, ngesikhatsi ungaphansi kwesihlahla, Ngikubonile." O, hhe!

⁶⁴ Watsi, "Rabi, uyiNdvodzana yaNkulunkulu. UyiNdvodzana yaNkulunkulu, iNkhosi yaka-Israyeli." Manje, loko kwaMenta Mesiya.

⁶⁵ Futsi-ke, kusobala, kwakukhona lelinye lemtsetfo lelikhulu lelime eceleni, lebelingakukholwa loku. Futsi bebfanele baphendvule ebandleni labo. Batsi, "Lomuntfu unguBhelzebule. Unemoya waBhelzebule." NaBhelzebule bekungudeveli, lokungumbhuli, noma umtsakatsi. "Futsi ukwenta kanjalo ke loko. Kukufundza ingcondvo, kutsi ufundza imicondvo yabo ngebutsakatsi noma lolohlobo, naloku kumenta develi."

⁶⁶ Jesu bekashito kubo kutsi lonkhe luhlobo lwenhlamba luyotsetselelwa yindvodzana yemuntfu, ngaphandle kwekuhlambalata Moya loNgcwele. Niyabona na? NaMoya loNgcwele bekasengakaniketwa. Ngabo uma Moya loNgcwele efika, futsi utofika emvakwekuba Kubuyisana sekwentiwe, futsi ente lemisebenti Jesu layentile, bekungaba sono lesi ngena kutsetselelwa kubita lowo ngamoya lomubi. Cabanga ngaloko. Niyabona na? Emva...

⁶⁷ Jesu, Bekalapho kubonakalisa Livi. Umuntfu bekasolo asesesonweni, ngemnikelo wesilwane nje. Futsi kuperhila kwesilwane kwakungeke kute ekholweni, ngoba bekusilwane,

futsi loku beku—kungumuntfu. Nesilwane site umphefumulo; ngumuntfu lonawo. Futsi nayi iNkhosi yemiphefumulo, Nkulunkulu cobo lwaKhe, abonakaliswa kumuntfu weNdvodzana yaKhe, Jesu Khristu. Futsi ngesikhatsi Afa, uMoya waNkulunkulu ubuyela etikwelikholwa. Bese-ke umuntfu lonelitfuba lekwemukela Luko, bese-ke ubita kusebenta kwalowoMoya, “develi,” akutsetselelwa. Kungeke kutsetselelwe.

⁶⁸ Manje, make wami lomdzala waseningizimu, nangi sengumfanyana nje, ngisengakaphendvuki, bekanguwesifazane lolungile ngalesosikhatsi.

⁶⁹ Ngaba nenhlanhla yekuholela make wami kuKhristu, futsi ngimbhabhatise, futsi ngimbone nakafa, ngabamba tandla takhe ngesikhatsi afa, futsi ngikhuluma ngaJesu waze wangabe asakhona ngisho nekukhuluma, advumise liGama laKhe. Ngatsi, “Make, uma usamtsandza Yena, cwabitisa emehlo akho,” futsi wacwabitisa nje emehlo akhe, netinyembeti tehla etihlatsini takhe, ngesikhatsi ahamba kuyohlangana naNkulunkulu.

⁷⁰ Futsi bekavamise kutsi kimi, ngaphambi kwekutsi ati kancono, “Billy, uma ku—kuhlambalata Moya loNgewe kusono lesi ngena kutsetselelwa,” watsi, “loko kusho umuntfu loyotsatsa kuphila kwakhe lucobo, angeke atsetselelwe ngako.” Lowo kwaku ngumcondvo wakhe ngako. Kodvwa kamuva siyacondza kutsi *kuhlambalata* ku “hhalatisa, noma kuhlekisa ngaye, kuhulumna ngaye nekuhlekisa ngaMoya loNgewe.”

⁷¹ NaJesu lapha wabatjela, watsi, “Ningatisho letotintfo futsi ningibite ngaBhelzebule, kutsi, ngito nitsetselela ngaloko. Kodvwa uma Moya loNgewe efika emvakwekuba sengihamble, khona-ke akunawutsetselelwa, ku—kuhlambalata loko. Futsi uma Efika...” Yena, lokungesiwo umcabango, manje, nguMuntfu. Yena sabito selucobo. Yena unguMuntfu. “Futsi uma Efika, Angeke atitsetselele tiphambeko tenu ngaloko. Niyabona na? Uyokwenta ngekwelucobo lemisebenti lengiyentako. Utchubeka nenkonzo yaMi. Futsi Uyonifundzisa letintfo leti leNginifundzise toni, futsi anikhombise tintfo letitako.” Niyabona na?

⁷² “Ngoba Livi laNkulunkulu,” emaHebheru 4, “likhalipha kunenkemba lesika ngetinhlangotsi totimbili, lisika lehlukanise ngisho nemnkantja welitsambo, futsi linguMhloli wemicabango losenhlitiyeni.” Moya loNgewe uyahlola, niyabona, ngoba ULivi. ULivi. “NeLivi laNkulunkulu likhalipha kunenkemba lesika ngetinhlangotsi totimbili, linguMhloli wemicabango netinhoso tenhlitiyo.” O, bebafeale bakwati loko.

⁷³ Khona-ke, khona-ke tonkhe letintfo leti lebebaticoca, nekutsi lowesifazane emtfonjeni wenyuka kanjani, naletinye tintfo letinengi, Bhathimeyosi loyimphumphutse, netintfo lebebaMbome atenta. Futsi-ke kufanele kutsi bebacoca ngaloko.

Futsi batsengiswa kutsi lowo kwakunguMesiya, akekho lomunye umuntfu lobekangatsatsa indzawo yaKhe.

⁷⁴ Ngoba leni? Bebakadze bangenaye umprofethi emhlabeni emakhulu ngemakhulu eminyaka. Futsi khona masinyane nje, nako kuvuka umprofethi ligama lakhe linguJohane, angatidvumisi yena, kodvwa abitwa ngaloku, amemetela loku, njalo, kutsi, "Mesiya ukhona manje emkhatsini wenu. Niyabona na? Nako kume Munye emkhatsini wenu." O, hhe! Bekatimisele kutsi batokwati kutsi li-awa lase lisondzele.

⁷⁵ Johane umBhabhatisi bekayindvodza lenkhulu. Niyakwati kutilwa kwakhe, nekutsi wamemukela kanjani Moya loNgcwele ngaphambi kwekutsi atalwe, esibeletfweni senina.

⁷⁶ Ngesikhatsi, Mariya efika, ayintfombi ntfo, futsi wamtjela kutsi bekatoba neluswane, futsi watjela Elizabethi ngekuba neluswane, nekutsi Moya loNgcwele bekabonakale kanjani kuye, iNgelosi yeNkholosi, njalo, futsi yamtjela kutsi bekatoba ngumake naye. Wase utsi, "Ngitoba neNdvodzana, futsi Ngitoyibita liGama laYo ngaJesu." Futsi ngesikhatsi atsi, "Jesu," kwekucala kutsi leloGama like likhulunywe etindzebeni temuntfu. Umntfwana lomncane esibeletfweni senina, afile, bekakhatsatekile ngaye. Kungekho kuphila, tinyanga letisitfupha, loko kungaphansi kwalokuvamile. Kodvwa kwatsi nje leloGama "Jesu" lingakhulunywa kucala ngeludzebe lwemuntfu, lowo lomncane, Johane lofile esibeletfweni senina weta ekuphileni futsi wazuba ngenjabulo, liBhayibheli liyasho.

⁷⁷ Uma kutokwenta loko eluswaneni lolufile, bekufanale kwenteni ke eBandleni lelitelwe kabusha leligcwaliswe ngaMoya loNgcwele? Liphilise labagulako, lisindzise labalahlekile! Niyabona na? "Ngoba kutsite masinyane nje kungefika kubingeleta kwakho etindlebeni tami, luswane lwami luzubazubile esibeletfweni ngenjabulo," niyabona. Futsi bekagcwele Moya loNgcwele kusukela esibeletfweni senina. Nalendvodza legcwaliswe ngaMoya loNgcwele...

⁷⁸ Naloku nje, uyise bekangumphristi. Ngalokwejwayelekile, kwakungumkhuba ngaletotinsuku kutsi umntfwana alandzele lisiko lababe wabo, noma umsebenti waloyise. Futsi manje sitfola kutsi Johane, umsebenti wakhe, wawumcoka kakhulu ngangekutsi akakhonanga kuya esikolweni sebaphristi babe wakhe lebekafundze kuso, ngoba bebatotsi, "Manje, uyati, uMnaketfu *S'bani-bani* lapha ubophelelekile... Utomemetela Mesiya. *Lona* nguYe. Ngani, niyati kutsi *lona* nguYe, ngoba, bukan, ungumfo lokahle impela."

⁷⁹ Kwakuyotsi akube kukhetsa lokufanako bafundzi labakwenta kuloyo lobekatotsatsa indzawo yaJudasi. Niyabona na? Yehlela etikwaMathiyase. Bakhetsa Mathiyasi, ngetinkatho, kodvwa Nkulunkulu wakhetsa Pawula. Niyabona na? Kwakwehlukile.

⁸⁰ Caphelani. Futsi sitfolo kutsi umsebenti wakhe wawumcoka kakhulu, waze waya ehlane futsi wahlala lapho wate waba neminyaka lengemashumi lamatsatfu budzala. Futsi ngesikhatsi aphuma, ashumayela, bekati kutsi hloboluni IweMuntfu loJesu lebekatoba ngilo. Ngoba, we—wema lapho, futsi bekaciniseke kakhulu kutsi Bekutofika ngelusuku lwakhe, waze watsi, “Ukhona Lome emkhatsini wenu, Loticatfulo takhe angikafaneli kutitfwala. Utonibhabhatisa ngaMoya loNgewe nangeMlilo.”

⁸¹ Futsi ngalelinye lilanga, eme lapho, wabuka, futsi wabona sibonakaliso sivela ezulwini. Futsi waMati, ngesibonakaliso. NaJohane wafakaza, wafakaza kanjena, “Ngafakaza kutsi ngibone uMoya waNkulunkulu, njengelituba wehla uvela ezulwini, neliPhimbo litsi, ‘Lo uyiNdvodzana yaMi letsandzekako Lengitfokotile ngaYo.’” Wamemetela Mesiya ngoba wabona sibonakaliso saMesiya.

⁸² Manje, labafundzi laba kufanele kutsi bebacoca loku, emvakwekuba lemvuselelo seyiphelile, niyabona, loko kwalosuku, simo sekutiphatsa sebantfu labatsite. Labanye bayaholwa. Labanye abakhholwa.

⁸³ Leyo yintfo lefanako lesiyitfolako namuhla. Kunebantu labakhholwako. Labanye abakhholwa. Sinako e—emibutsanweni yonkhe: lamanye emakholwa; labanye abakhholwa, nhlobo.

⁸⁴ Nalabanye batsi, ngalolosuku, “Akuzange sekube nemuntfu lokhuluma njenga leNdvodza. Akakhulumi njengemphristi noma umshumayeli. Loko lowoMuntfu lakushoko kwenteka khona lapho. Niyabona na? Ubonakalisa loko lesishumayela ngako. Niyabona na? Yena, akekho umuntfu lowake wakhuluma kanjena.” Kulungile.

⁸⁵ Futsi kwakunalabanye labangakholwa, batsi, “Lomuntfu unguBhelzebule. Angenta loku kuphela ngamoya wadeveli.” NaJesu bekabasolile.

⁸⁶ Khona-ke kufanele kutsi kwatsi, Johane, lomfo lomncane, angahle kube watsi, “Kucabangeni, bazalwane, sinaYe unatsi manje. O, umcabango lonje pho! Manje ulamkhunjini kanye natsi.”

⁸⁷ Uma tsine, kusihlwa, umnaketfu nadzadze loligugu, besingahlala phansi imizuzwana lembalwa, kucondza, loMesiya lesikhulume ngaye, naNkulunkulu watsi uyofika. Futsi bekalapha emhlabeni; wafa, wavuka futsi, wenyukela eZulwini. Futsi wabuya e—e—e...emvakwetinsuku letilishumi, futsi kwabonakala kubo ePhentekhosti, futsi watfuma liBandla laKhe. Lowo Jesu lofanako unatsi namuhla njengoba sintjweza elwandle lwemphilo lolukhulu. Sikhuluma ngaYe. Sicabanga ngaYe. Sifundza ngaYe, Lakwenta, loko Lebekangiko, kutsi Waphila kanjani, kutsi hloboluni lwemisebenti Layenta, bese-ke

uyakhohlwa ngako. Niyacondza yini kutsi Unatsi, akekho natsi kuphela, kodvwa kitsi? O, ngikucabanga kanjani loko!

Kutivela kwekuphepha lokunje pho lokufanele kutsi kwaba ngiko, kucabanga ngaye kanye nje loMdali cobo lwaKhe, antjweza emantini latanyatanyisiwe kanye nabo.

⁸⁸ O, kuphepha lokunje pho namuhla, kwati kutsi yena kanye loNkulunkulu lowenta emazulu nemhlaba, lowenta lolutfuli lesiphila kulo, lolubitwa ngemitimba, kuntjweza ehle ngelwandle lwemphilo natsi, ati kutsi kugula nebuahlungu kusiphatsa kabi, nekufa kusibuke emehlweni. Kodvwa yini lesifanele siyesabe? Yena kanye loMdali walo kanye lutfuli, tona kanye letincenye letilishumi nesitfupha lesakhiwe ngato, i-phetroliyamu nekukhanya kwe-khozmikhi, untjweza natsi kuso sona lesiphepho nalolonkhe lwandle. Liciniso lakhe lingeke lehluleke. Ukanye natsi, futsi watsi, “Bhekani, Nginani njalo, kuze kube sekupheleni kwemhlaba.”

⁸⁹ Manje, kugwedla lamanti latanyatanyisiwe, bebakucoca loku, nekucabanga kutsi loko kwakukuphepha lokunjani kulabantfu lebebakanye nabo, bafundzi netintfo, lokukhatsatako. Bayati kutsi kwaku nemvuselelo lenkhulu lebeyisandza kwenteka nje, futsi bebatitika ngemiphumela yayo.

⁹⁰ Manje, ngicabanga kutsi loko kufana natsi sonkhe namuhla. Sibe nemvuselelo lenkhulu, kodvwa, siyatfola, seiyaphola. Manje, ngekwemlandvo, lokukutsi angisuye umuntfu lofundzile, kodvwa ngiwutsetse umlandvo wemabandla, *BoBabe baseNayisini*, neyaHislop lets *emaBhabhiloni*, nakanjalonjalo, futsi ngatfola kutsi noma nguyiphi imvuselelo ihlala kuphela cishe iminyaka lemitsatfu. Ihlala kadze kangako ke. Kodvwa loku bekusolo kuchubeka cishe iminyaka lelishumi nesihlanu, ngoba ngicabanga kutsi cishe kwekugcina lesitoba nako. Ngako sisdevute nekuBuya kweNkhosi.

⁹¹ Futsi ngako manje mhlawumbe bebanjalo, kuluwomkhumbi ngalobo busuku, mhlawumbe siyintfo lefanako, kutsi tsine, bafundzi baKhe labakholwa nguYe, manje sesititika kuloko lesikubone kwentiwa. O, tintfo leNgimbhone atenta! Bekungatsatsa tinyanga netinyanga, ku...Bengingabhala u-umcukutfu wetincwadzi, ngaloko lengiMbone akwenta, kwetibonakaliso letinkhulu, timanga, imimangaliso. Nje le...Kungetulu kwanoma ngukuphi kucondza kwemuntfu. Bekufanele kube ngemandla langetulu kwemvelo aNkulunkulu, kwenta intfo lenjalo.

⁹² Futsi a—angicabangi kutsi bengingema lapha ngale kwalelideski, njengemshumayeli welivangeli, futsi bengi—futsi bengingasho intfo letsite lebeyiliphutsa, ngekubona kutsi ngineminyaka lengemashumi lasihlanu nakune budzala netinsuku tami tiyaphela. Ngifanele nighlangane naYe.

Ngifanele ngibe . . . Ngifuna kutsi ngife ngebucotfo. Letintfo leti tiliciniso, futsi tifanele tibe njalo. Niyabona na? Ngoba, hhayi loko kuphela, kodvwa ngingabe ngidukisa bantfu.

⁹³ Kodvwa ngitakusho, kusihlwa, kutsi ngiMbonile. Ube nemphumelelo lenengi e—emitameni yami lemincane lengiyivetako. Manje khumbulani. Ubenemphumelelo lenkhulu kunemitamo leNgimfakele yona, ngeliVangeli laKhe, kunaloko Lakwenta eveni laKhe lapho Avela khona. Ngi—ngingabhala emaBhayibheli, kwati kutsi Wenteni kuletinsuku leti tekugcina, ngoba Wakwetsembisa loko.

⁹⁴ “Letintfo leti leNgitentako, niyotenta, nalokungetulu kwaloku niyokwenta.” Litsi “mkhulu,” lokukutsi, livi lelingilo lapho. Akekho lobekangenta lokukhulu kunaloyo. Wente konkhe lokwakungentiwa, niyabona, wavusa labafile, wamisa imvelo, nako konkhe lokunye. “Kodvwa leminengi kunalona niyoyenta.” Ngoba uMoya ngalesosikhatsi wawuhlala kuMuntfu munye, iNdvodzana yaNkulunkulu, manje emadvodzana aNkulunkulu sekasemhlabeni wonkhe. “Leminengi kunalona niyoyenta, ngoba Ngiya kuBabe,” niyabona, ngitfumele emuva Moya loNgcwele etikweliBandla.

⁹⁵ Futsi ngako kufanele kutsi ngalesosikhatsi bebanjengoba sinjalo manje, baphumule emkhatsini wetimvuselelo, balindzele kuBuya kweNkhosi. Futsi lapho sisahamba sintjweza, sifakaza, sikhuluma ngekutsi, “O, ngiyakhumbula ngesikhatsi sinalomhlangano *lapho*. Ngiyakhumbula ngesikhatsi loku sekuphelile *lapha*. Loluswane lolufile lulele *lapho*, futsi lwalufe tinsuku letimbili, futsi balungenisa emhlanganweni, naMoya loyiNgcwele waluvusela ngco ekuphileni futsi. Niyambona lomuntfu eta ngalendlela, nangaleyondlela, aphumphutsekile, ashwilekile, tinyonga, bahlaselekile, abatjele kutsi benteni, futsi lokwakwentekile, kutsi Moya loyiNgcwele wahlangana kanjani nebantfu ngembili, wabatjela kutsi bebenteni. Bakhohlis beta futsi bacabanga kutsi bekukufundza ingcondvo, futsi wakudalula. Futsi labanye babo bakhubatekile, khona ngco embikwemehlo etfu, phambi kwetinkhulungwane tebantfu. Tonkhe letintfo leti letinkhulu tikufakazela.” Futsi manje sitsi nje kuphumula emkhatsini wesikhatsi, niyabona, siphumulile.

⁹⁶ Mhlawumbe Jesu bekenta ngalesosikhatsi njengoba Enta ngelusuku lwekudala. Wadala umhlaba, nemazulu nemhlaba, ngetinsuku letisitfupha. Nangelusuku lwesikhombisa, Waphumula.

Wena utsi, “Ngabe lowo kwakunguJesu?” Yebo.

LiBhayibheli latsi, “Bekaseveni, nelive lentiwa nguYe, nelive aliMatanga.”

⁹⁷ Ngako mhlawumbe Bekaphumulile, emvuselelwensi yinye kuya kulenyne, njengoba nje Bekaphumule emkhatsini waGenesisi nekuBuya kwaKhe, niyabona, atsatsa kuphumula

lokuncane. Khona-ke, ngesikhatsi Asetama kuphumula, nebafundzi beba...sebaMkhohliwe kutsi ukanye nabo, ngako-ke kwavuka inkhatsato.

⁹⁸ Ngulowo umzuzu lacala ngawo. Uma libandla likhohlwa ngeBukhona baJesu Khristu, uma sikhohlwa futsi sicala kuphikisana futsi sihhwilitisane, futsi siphikisane ngekwehlukana kwetfu kwemahlelo, nakanjalonjalo, ngulapho impela la inkhatsato icala khona.

⁹⁹ Kodvwa kuphela nje uma Khristu alapho, naMoya loNgcwele ubusisa bonkhe bantfu, asinandzaba: umbala, sivumokholo, nomangabe kuyini. Sonkhe sisechibini lelikhulukati letibusiso taNkulunkulu, kuLanganyela nje ngaphansi kweNgati yaJesu Khristu, futsi asiyicapheli.

¹⁰⁰ Kodvwa ngesikhatsi sicala kutama kucabanga, "Niyati, lihlelo lami linconywana kunelabo, likhudlwana kunelabo. Sinemalunga lamanengi," ngulapho ke la inkinga ingena khona.

¹⁰¹ Ngako bacala kutfola loko, netinkhatsato tavuka ngesikhatsi bakhohlwe Ngaye kutsi ulapho. Lokunengi kakhulu kuhulumna ngaYe, kepha bangaMboni kutsi ukanye nabo. Ngifisa kwangatsi ngabe beginendlela letsite yekubetsela loko phansi. Bukani, bebakhulumna ngaYe, kodvwa bebakhohlwe kutsi Bekalele kuwo kanye nje lomkhumbi lebebakuwo.

¹⁰² Futsi namuhla, nguloko lokwentekile emabandleni. Sikhulumna ngaYe. Sinalokunengi kakhulu kuhlakanipha, aze emadvodza aceceshwé kakhulu emBhalweni, bate baletse umlayeto loto...Ungeke ubeke umuno kuwo. Kodvwa uphi Nkulunkulu? Nguloko lengifuna kukwati. Kuphi loko kubonakaliswa? Niyabona na? Tinshumayelo tekuhlakanipha!

¹⁰³ LiBhayibheli latsi, "Ngaphambi nje kwekubhujiswa kwemhlaba ngemanti," naJesu watsi, "kuyoba njalo ekuBuyeni kweNdvodzana yemuntfu, njengoba kwakunjalo etinsukwini taNowa." Kwakunetichwaga emhlabeni. Tatitichwaga, emadvodza esitfombo lesikhulu.

¹⁰⁴ Futsi namuhla kunetichwaga letihlakaniphile. Kunemadvodza la, o, emadvodza lamakhulu, emadvodza lamakhulu lanemandla. Bati siGrikhi njengoba nje bati siHebheru, nako konkhe, futsi bangakubeka ndzawonye ngekuhlakanipha kakhulu. Kodvwa iphi leyo—leyomvuselelo na? Uphi lowoNkulunkulu lovutsa enhlitiyweni yesidalwa lesingumuntfu? Hhayi kutsi kuhlakaniphe kanjani; kubita bulula, kuletsa emandla aNkulunkulu.

¹⁰⁵ Khona-ke batfola, njengoba sentile namuhla, kutsi inkhatsato yangena. Umkhumbi wacala kugudlutela, nemimoya yaphephula emaseyili, nemanti agcwala nswi sikebhe. Ini? Onkhe ematsemba lalingasekho, onkhe ematsemba ekusindza.

¹⁰⁶ Manje, uma wake wabaseGalile, letotintfo letifanako tiyenteka namuhla. Ngale ngaseluhlangotsini lwasenshonalanga, kune—kunetintsaba. Lufa kuto, *kanjalo*, ngandlela tsite kujubekile. Futsi, namuhla, badwebi ngaselugwini lapho batonitjela kutsi akwetsembakali kwewela lwandle lapho, ngoba letotiphepho tikhuphuka ungati, futsi nje titsanyele tehle. Futsi lawomanti, emanti latanyatisiwe, avele atungelete ngeludlame atungelete atungelete, futsi ayamcwilisa umdwеби nanamuhla.

¹⁰⁷ Futsi khona masinyane kwenteka intfo letsite. Kwavuka inkhatsato. Futsi nako kwehla emaseyili, futsi kwasuka umoya waligubhutelisa lasuka. Netigwedlo ticala kwehluleka, nekufafabuka nekudzabuka, lapho labadwebi labanemandla labatikhwahla balala etikwawo, bati kutsi kubhekwanana kanjani naletotiphepho. Futsi—futsi khona masinyane sikebhe sagcwala nswi emanti. Kodvwa akumangalisi yini kutsi emadvodza, lasandza nje ema-aweni lambalwa lendlulile, amen, aMbonda enta tintfo letinjalo, futsi bekasakhohlwe ngako konkhe kwako?

¹⁰⁸ LoNkulunkulu Lowavusa labafile, Nkulunkulu Lowaphilisa labagulako, loNkulunkulu Logcwalisа ngaMoya loNgcwеле, lesimbone akwentile, manje kuyafana nanamuhla. Ukhona lapha esikebheni. Ulapha kanye natsi. “Bhekani, Mine nginani njalo. Nomangabe nisetinkingeni, noma uma sekantjweza ngekushelela, Ngiseselapho esikebheni.” Niyabona na?

¹⁰⁹ Besе bakhohliwe ngako. Futsi bebacabanga kutsi konkhe kusindza kwase kuhambe. Bebacabanga kutsi ba... BebaMbonile enta tintfo letinengi kakhulu, kodvwa manje besebakohliwe kutsi Bekalasikebheni. Konkhe kukhohlwakele, ngesikhatsi senkhatsato, njengoba kunjalo nje manje.

¹¹⁰ Manje, njenganamuha, siyatfola, batfola tinkhatsato likhono labo lebelingeke libelikhambi. Niyabona na? Kwakungetulu kwelikhono labo kukucatulula. Bebatama kufaka lamaseyili, nemimoya iwaphephule ahambe. Betama kulala etikwetigwedlo, kutama kugcina emanti angangeni kulesikebhe, kushaya lamagagasi kahle. Njengoba nine bagwedli besikebhe nati kutsi nifanele nikwente kanjani, nekutsi ningacondzi ngco ngetulu kweligagasi, beningacwilisa lesikebhe. Ufanele uwujikise, ugibele etikwaleligagasi lapho usendlula kulo. Nalabo badwebi, ngako konkhe lebebanako, bakhatsalele kakhulu kuphepha, baze bakhohlwa kutsi uMdali bekalamkhunjini. Futsi lonkhe likhono labo lasolo lehluleka.

¹¹¹ Ngibona bodzadze lababili bahleti lapha kusihlwа etitulweni letinemasondvo. Niyabona, akungabateki kodvwa labo besifazane utame yonkhe intfo eveni kutsi basindze. Kungahle kubekhona bantfu lapha labanemdlavuza, lotsite lonenkhatsato yenhlitiyo, nesikebhe sadokotela sisebente konkhe labangakwenta, kunisita. Kodvwa senisekugcineni.

Bona, akukho lokungentiwa. Ngabe sesikhohliwe kutsi Ngubani lokanye natsi?

¹¹² Ngubani lona, lontjweza kulolwandle lwemphilo, kanye natsi? Lesetsembiso siniketwe bani? ULivi. Niyabona na? Akukaze kutsatfwe kitsi namanje. Ngikufuna kanjalo, enhlitiyweni yami, uma bake batsatsa *loku*, nginaKo *lapha*. Niyabona na? Niyabona na? Kodvwa Livi lisesenatsi. ULivi. Nale—letintfo leto dokotela langeke atelaphe, letintfo libandla lelile lelingeke litelaphe, sineMdali wetintfo tonkhe lonatsi.

¹¹³ Bengifundza incwadzi lejikeletako lebeyikhishwe liPhentekhostali lelikhulu lebelihleli eceleni kwapapa, kungesiko kadzeni, emkhandlwini wenkholo. Nginako kubhalwe phansi, eminyakeni lengemashumi lamatsatfu nakutsatfu leyendlula, kutsi leyontfo impela itokwenteka. Manje, ungeke uze ukhone kushwila wona mbamba, emaphentekhostali akamoya angene kuleyontfo. Ati kancono kunaloko. Kuvakala kukuhle kabi esihlakaniphini, kodvwa umcondvo wakamoya uyakubamba masinyane kutsi loko kuliphutsa. Bayati kutsi loko kuliphutsa. Bayati kutsi Nkulunkulu utsiteni ngaletotintfo. Futsi ngako, bona, bangeke bakubambe.

¹¹⁴ Manje, lalabanye batokwenta, lapho Jesu atsi lemimoya lemibili etinsukwini tekugcina iyocishe impela idukise nalabaKhetsiwe uma bekungenteka. Niyabona na? Kodvwa labaKhetsiwe bayokwati lokwehlukile. Kodvwa sisesikhatsini senkhatsato lapho kungekho khona umfundisi emhlabeni longavimba emahlelo etfu ekujoyineni lomkhandlu wenkholo. Sebavele bakuwo. Akunandzaba kutsi tingakhi tintfo Nkulunkulu latenta, kutsi Bekabusiswe kanjani emkhatsini wetfu, bahamba bangena kuko ngco, nakanjani. Ungeke ukumise. Nguloko kuphela nje lokukhona kuko. Batokwenta, manje, tinkhatsato letingeke telashwe libandla. Khona-ke, masinyane nje uma sitfola kutsi . . .

¹¹⁵ Uya kudokotela, utawutsi, "Yebo-ke, ngiyacolisa kukutjela, kodvwa u—unemdlavuza." Yebo-ke, ngekushesha, nguloko kuphela. "U—u—ufile. Nguloko kuphela nje lokukuko. Noma, lowesifazane, sebahambile." Bodokotela batsi, "Yebo-ke, loko kukhubateka. Ungeke...Leyo yi-lukhemiya." Yebo-ke, masinyane nje, "Bafana nalofile, ngaso lesosikhatsi." Niyabona na? Kwesaba kuyangena, niyabona, kodvwa akukafaneli.

¹¹⁶ Ngubani Lona lowenta lesetsembiso? Siphilela ini? Kungani tsine siliBandla laNkulunkulu lophilako? Kungani sigcwaliswe ngaMoya loNgewe? Kukhumbula ngesikhatsi senkhatsato, Usesekhona lapha. Ucinisa tintfo. Unguye itolo, namuhla, naphakadze. Unatsi ngalokufanako nje. Angahle kube uphumulile imizuzwana lembalwa emkhatsini wemihlangano, kodvwa Usekhona lapha ngalokufanako nje. Ya. Futsi uma

kungena inkhatsato, nekukholwa kwaKhe kuba natsi... Bes-ke kwesaba kuyangena. Futsi uma kwesaba kungena, khona-ke impela sinenkhatsato.

¹¹⁷ Sinako loko ebandleni, kwelive, noma kuphi. Tonkhe tive tiyesaba imphosakufa. Kuna sonkhanyeti ndzawanatsite, futsi kunebhomo ye-athomu. Futsi siyati kutsi isayensi seyente tintfo temishimi, kuze kutsi, nomangamuphi umzuzu, ngaphandle kwesecwayiso, umhlaba wonkhe ungaba ticucu. Neline liyesaba.

¹¹⁸ Angesabi umhlaba kutsi ube ticucu. Kutobakhona iminyaka leyinkhulungwane yekubusa kwesikhatsi seminyaka leyiNkulungwane, emvakwekuba loku sekwendlulile. Nkulunkulu angeke ehlule inhoso yaKhe. Intfo kuperhela lengiyikhulekelako, "Nkhosi, ngabe ngilungile kutsi ngihambe, uma Efika na?" Nguloko—nguloko kuperhela kwesaba lenginako. "Ngabe ngiKutfokotisile, Nkhosi?" Niyabona na?

¹¹⁹ Ungesabi kutsi umuntfu wentani. Yesaba Nkulunkulu. Watsi, "Ningamesabi longabhubhisa umtimba. Kodvwa nesabe Longabhubhisa kokubili umtimba nemphefumulo esihogweni." Niyabona na? Kunjalo.

¹²⁰ Manje, timphikiswano nakanjalonjalo, njengoba inkhatsato ingena, kwesaba. Futsi sibonakala singulofana kakhulu namuhla. Kodvwa, khumbulani, Usasolo anatsi.

¹²¹ Manje, kuJohane loNgcwele, sahluko 1, ningakukhohlwa, "Ekucaleni bekakhona Livi, naLivi beka kuNkulunkulu, naLivi beka nguNkulunkulu. Futsi Livi waba yinyama wakha emkhatsini wetfu." EmaHebheru 13:8 atsi, "Unguye itolo, namuhla, naphakadze." NaleNcwadzisi isambulo saJesu Khristu, kusukela le kuGenesisi kuya eNcwadzini yekugcina, yeSambulo. Sambulo saJesu Khristu. Baprofethi nato tonkhe letotintfo tatibonakalisa Khristu ngaphambili. Futsi yonkhe intfo eNcwadzini nguJesu Khristu.

¹²² Ngako, khumbulani, Usasolo anatsi. Yonkhe intfo, kwelapha yonkhe imbangela develi langayicala, ikhona *lapha*. Sinako, khona *lapha*. Inkhatsato; kodvwa iNkhosi ilakhatsi esikebheni. Kulungile. Uma bangena enkingeni, lapho bodokotela bangeke bakhone khona kuyelapha, khumbulani, Ulapha. Uma si... Ningakhohlwa. Ulamkhunjini.

¹²³ Bebefanele bat, labafundzi laba, kutsi BekanguMesiya. Naleligama lelitsi *Mesiya* lichaza kutsi "Logcotjiwe." Niyabona na? Khona-ke uma... Bekenaye wonkhe Nkulunkulu kuYe. Nkulunkulu bekakuYe. Watsi, "Ngi..." Jesu, iNdvodzana, watsi, "Angenti lutfo ngekwaMi kodywa loko leNgibona Babe akwenta. Babe uhlala kiMi." Niyabona na? Manje uma... BekanguMesiya, ngaloko, nalologcobo, IwaMenta Mesiya ngalokugcwele. Futsi tsine, naMoya lofanako lowa wusetikwaKhe; hhayi ngenceny, kodywa ikhwalithi lefanako; nenceny etikwetfu, bekungasenta njengabomesiya labancane,

besingabamadvodzana aNkulunkulu, emadvodzana labekiwe aNkulunkulu. NaMoya loyiNgcwele waKhe usibeke luhphawu emtimbeni waKhe, futsi sibantfwana baKhe.

¹²⁴ Akukafaneli kubekhona lokusikhatsatako, kungabikho lokusikhatsatako. Tsine si—tsine sibaKhe. Uma kungenjalo, yebo-ke, sibamangaleli bemanga, be—besisolo sifakaza ngentfo lengesinjalo. Ngiyakukholwa. Ngikhonwa kutsi manje singe madvodzana aNkulunkulu, hhayi kutsi siyoba ngiwo; manje, khona manje. “Futsi manje sihleti ndzawonye etindzaweni taseZulwini kuKhristu Jesu.” Amen.

¹²⁵ Site emandla, kodvwa sineligunya. Akubiti emandla. Lomunye watsi, “Ninawo yini emandla latsite?” Cha, kodvwa ngineligunya. Kunjalo.

¹²⁶ Utsatsa liphoyisa lelincane lelime ngephandle lapha. Ligcoka inyufomu. Sigeoko salo sikhulu kakhulu kunalo, sihlala phansi etikwetindlebe talo. Lite emandla ekumisa lutfo. Kodvwa ake liphumele lapha, nemoto leyehla ngesitaladi, nenjini lenemandla emahhashi langemakhulu lamatsatfu, futsi ase liphakamise lesosandla. Bukela emabhiliiki Ashelela. Ngani na? Lite emandla, kodvwa lineligunya.

¹²⁷ Futsi uma wesilisa noma wesifazane agcotjwe ngembhabhatiso waMoya loNgcwele, angahle angakhomi kufundza ligama lakhe etincwadzini lettinganelitilogos lesitimela, ngemfundvo, kodvwa u—u—uneligunya lelivela kuNkulunkulu, kutsi uyindvodzana yaNkulunkulu. Akatsatse ligunya lakhe, futsi eme bese utsi, “Mani,” nemasondvo aSathane atoshelela, nemabhiliiki atokwenta. Kukhona lokutokwenteka, ngoba uniketwe ligunya nguMoya loNgcwele. “NgeliGama laMi bayokhipha emadimoni.” Nguloko-ke. Impela. Akadzingi kutsi abe ne—nekuba ne DD.D., noma i Ph.D. Ufanele ati Jesu, futsi ati kutsi yini laniketwe kona. Nango emile. Yebo, mnumzane.

¹²⁸ Bebefanele batu, ngekubukela kutsi loMuntfu wenteni, futsi baMvume kutsi unguIoko Lebekangiko, Mesiya. Khona-ke, Bekati tintfo tonkhe, futsi Bekati kutsi lenkhatsato yayita. Bekati tintfo tonkhe. Impela. “Babe akenti lutfo ngaphandle uma Akhombisa iNdvodzana.” Niyabona na? Ngako Be—Bekati tintfo tonkhe. Bebefanele batu kutsi Wacondza kutsi siphepho sasita, kulungile, futsi watu kutsi kwakutokwenteka. Kwaniketwa kuphela njengekuhlolwa kweukholwa kwabo.

¹²⁹ Futsi mhlawumbe letinkhatsato leti tentiwa kuphela, mhlawumbe imvuselelo seyivumele, kubona kutsi sitokwentani ngako. Mhlawumbe kugula kukushayile. “Lembangela, hhayi kutsi kwakusono semuntfu, kodvwa kute imisebenti yaNkulunkulu yentiwe yatiwe.” Sati kanjani ngaletintfo leti kutsi, kwenteka? Akwenteki lutfo, futsi ngalokwejwayelekile nje, hhayi ngaphandle kwekutsi Nkulunkulu akwati. Uyakwati.

Bekakwati, ekucaleni. Naletintfo leti tenteka ngoba kukuhlolwa kwekukholwa.

¹³⁰ Phetro watsi, “Ningamangali uma tivivinyo tifika etikwenu, tivivinyo letivutsako. Kuncono kuwe kuneligolide. Kwentelwa kukuhlolwa.” O, lowomlilo wemncibilikisi wensimbi, kutsi itophuma ngelikhulu lemaphesenti, yonkhe inkhucuta incibilikisiwe, konkhe lokungakholwa, lwati ngalesosikhatsi ke, loko lokwatiko! Loko bantfwana bemaHebheru lebebangakufakaza, emvakwekuba sebendlulile emlilwени, “Nkulunkulu unguMsindzisi, lovela emlilweni.” Bebakwati.

Danyela bekati, emvakwalesentakalo semgodzi wemabhubes.

¹³¹ Lazaru bekati, emvakwelithuna, kutsi Bekakuvuka. Amen.

¹³² Emvakwekuba sewendlule kulokuhlolwa loku netivivinyo, tiyinkhatimulo kuwe. Khona-ke, loku kwentelwa kuhlolwa kuhholwa kwabo. Mhlawumbe kungahle, kusihlwa, kutsi labanye lapha banekugula, futsi kukuhlolwa kwekukholwa, kubona kutsi utokwentani ngako.

¹³³ Bekafakazile kubo kutsi BekanguBani. Wafakaza kutsi BekanguBani. Kanjani na? NgemaVi Lawashumayela, nangemisebenti leyalandzela emaVi. Niyabona na? Kucinisekiswa! Nkulunkulu bekaMcinisekisile. Ngoba Watsi kubo, “Uma...” Watsi, “Uma Ngingenti imisebenti yaNkulunkulu, khona-ke ningaNgikhola. Uma loko Nkulunkulu latsi Ngiyokwenta, uma Ngingakwenti, khona-ke Ngilahleni, uma Ngingakwenti. Uma Ngingesuye Mesiya...” Futsi, Be—Bekatokusho loko. “Uma Ngingesuye Mesiya, uma... Ningeke niNgikholtwe njengeMuntfu, nginguMesiya, ngoba angiti ngetikolwa tenu, futsi aninayo indzawo lapho Ngake ngafundza khona, noma lapho Ngendlula khona etikolweni tenu tesayensi yetenkholo. Futsi uma ningeke nikukholwe kutsi NginguMesiya, yebo-ke, kholwani lemisebenti. Ifakaza ngaloko leNgingiko.”

¹³⁴ O, bekungeke yini kumangalise, kusihlwa, kube libandla kuhphela belingahlala kuloko, kutsi liBhayibheli lasho kutsi umKhristu uyokwentani nekutsi uyoba njani. O, hhe! Ngicabanga kanjani ngaloko!

¹³⁵ Jesu watsi kubo, “Hlolani imiBhalo, ngoba kuYo nicabanga kutsi ninekuPhila lokuPhakadze. Futsi NgiYo lefakaza ngaMi. Iyanitjela kutsi Ngiyini.” O!

¹³⁶ Angidzingi kutsi ngitsi ngiyiMethodisti, iBaptisti, iPresbyterian, noma yini. Lokuphila lokuphilako, eemaVi aNkulunkulu, uma uyincenye yaleloLivi leliphilako, ungakuphika kanjani loko longiko? Futsi lingayekela kanjani Livi kucinisa loko longiko, uma ungiko? Niyabona na?

¹³⁷ Ingacelwa kanjani i—imvu kutsi ikhicite boyo? Ingeke ibukhicite boyo. Kuphela nje uma iyimvu, iyobaneboya ngoba iyimvu.

¹³⁸ Futsi umuntfu akadzingi kutsi asebente lutfo, uma angumKhristu. Unguye ngoba unguye. Yena, nguloko lakhiwe ngako. UngumKhristu, ngekwemvelo.

¹³⁹ Sihlahla semahhabhula sisihlahla semahhabhula ngoba sisihlahla semahhabhula. Niyabona na? Sihlahla semampentjisi sisihlahla semampentjisi ngoba sisihlahla semampentjisi.

¹⁴⁰ Futsi umKhristu ungumKhristu ngoba Khristu uhlala kulowomuntfu. Futsi kwenta... *UmKhristu* usho “kufana naKhristu,” hhayi bulunga; kodvwa, kucinisekisa, Nkulunkulu aveta ngawe kutsi nje umKhristu uyini. Nguwe lophuma endleleni futsi uvumele Nkulunkulu angene, awutsatsi micabango. Akutsi lowomcondvo lowawukuKhristu ube kini. Nako laph’ukhona. Lowo ngumKhristu sibili. O, hhe!

“Hlolani imiBhalo,” Watsi. “NgiYo lefakaza ngaMi.”

¹⁴¹ Bebefanele bati kutsi BekanguNkulunkulu lowadala lemimoya nemagagasi. Niyabona na? Nkulunkulu wadala umoya. Yebo. Lowo ngumoya. Nkulunkulu wadala emanti. Yebo. Leyo yi H₂O. Yena, Wakudala loko. Kodvwa, niyabona, lokungiko, develi wangena kulowomoya, wase-ke develi uta kulenye intfo letsite, wangena kuyo, futsi loko kwase kubangela lesiphepho.

¹⁴² Futsi kungaleyondlela ngemakholwa ngaletinye tikhatsi. Bawisa imivalo, ekungakholwini, bese-ke Sathane uyangena esihhushuhhushwini, niyabona, ubangela kuphikisana, nekuhhwilitisana, netimpifikiswano, nayoyonkhe intfo. Lowo ngudeveli longena emkhatsini webantfu.

¹⁴³ Develi ungena e—emoyeni bese uyawuvungutisa, abangele kufa; angene emkhatsini wemanti, awashayise situngeletane lesineludlame. Niyabona na? Nkulunkulu wawadala, kodvwa bavumela develi kutsi angene. Develi wangena kuko, “inkhosana yemandla emoya.” Caphelani, wangena kuwo, kwase kufika imimoya nemagagasi.

¹⁴⁴ Manje, labobafundzi bebefanele batsi, “Ngani, akukho lokuliphutsa manje. Ngani, nango alele uMdali, alele khona lapha. Ugwedla kanye natsi. Niyabona na? Ngani, bukan ije letintfo Latentile. Yebo-ke, sikhatsalela ini ngemagagasi.”

¹⁴⁵ O, kube besingativa kanjalo ngako, bekuyokwehluka kangakanani ke. Yebo.

¹⁴⁶ Nkulunkulu, uMdali wemazulu ne—nemhlaba, Nkulunkulu uMdali wemimoya nemagagasi, bebaneke yini batfobele Livi laKhe? Intfo kuphela Lebekafanele ayente kwakukukhuluma. Niyabona na? ULivi, kodvwa Nkulunkulu wadzingeka

asebentise umuntfu kutsi agcwalise, noma avete ebaleni tincenye taKhe.

¹⁴⁷ Nkulunkulu, ekucaleni, bekanguNkulunkulu nje. Bekangesuye ngisho Nkulunkulu; *Nkulunkulu* yi “ntfo lekhontwako.” Bekangemandla lamakhulu, Nkulunkulu. Wase-ke Udala tiNgelosi, netiNgelosi taMkhonta, wase-ke UbanguNkulunkulu. Wase-ke Udala umuntfu.

¹⁴⁸ Manje, UnguMsindzisi. Ngako, akukho lutfo lolulahlekile; lokutsite kwakufanele kulahleke, kute Akhone kuveta ebaleni incenye yaKhe njengeMsindzisi. Niyakukholwa loko na?

¹⁴⁹ BekanguMphilisi. Ngako, akukho lutfo lolugulako; ngako kwakufanele kubekhona intfo letsite legulako, kuveta ebaleni incenye yaKhe, kukhombisa kutsi Bekanguye.

¹⁵⁰ Beka nguYise, niyabona, futsi kwakufanele kubekhona intfo letsite. Bekafanele abe neNdvodzana, kuMenta abe nguBabe. Niyabona na?

¹⁵¹ Futsi tonkhe letintfo leti tiveta ebaleni tincenye taKhe, akukho lutfo loluphumile emgceni. Niyabona na? Kune... Nkulunkulu wenta lonkhe lisondvo licondze kahle impela nje. Yonkhe intfo ilungile. UMdali, haleluya, uMdali ulasikebheni lesintjweza ngaso.

¹⁵² “Noma tibungu tesikhumba tibhubhisa lomtimba, kepha noko enyameni yami ngiyombona Nkulunkulu, Loyo lengiyombona cobolwami,” kwasho Jobe. Kunjalo. Davide watsi, “Ya, noma ngihamba esigodzini selitfunti lekufa, angiyukwesaba lokubi, ngoba Wena unami. Noma ngenta umbhedze wami esihogweni, Ulapho. Noma ngitsatsa timphiko tasekuseni futsi ngindize ngihambe, Ulapho.” Kuntjweza etikwelwandle lwemphilo!

Netimphilo temadvodza lamakhulu tonkhe
tiyasikhumbuta
Singenta timphilo tetfu tiphakame kakhulu,
Nekwehlukana, lokushiya emvakwetfu
Tinyatselo (*kanjena*) etihlabatsini tesikhatsi;
Tinyatselo tetinyawo, leto mhlawumbe
lomunye,
Asagwedla elwandle lolukhulu lwemphilo,
Umnaketfu loselusizini nalophihlikelwe
ngumkhumbi,
Ekuboneni, uyotfola sibindzi futsi.

“Uma Nkulunkulu akwentile loko kulowomnaketfu, Utongentela kona nami.”

Asisukume futsi sente ngalesosikhatsi,
Ngenhlitiyo nganoma ngukuphi kucabana;
(Nguloko lebengi...)

Ungafani netimungulu, tinkhomo
letigalelwako! (Ufanele ugalelwé kunoma
yini.)
Asikhholwe, sibe lichawé embangweni!

¹⁵³ *Sihlabelelo SekuPhila*, inkondlo yaLongfellow, *Sihlabelelo SekuPhila*. Ngiyasitsandza. Sisho intfo letsite. Sibonakalisa intfo letsite. Sinentfo letsite lephatsekako kuso, tinchazelo letitsite. Ngiyayitsandza intfo lenembala kuyo, lenenchazel. Umculo, inkondlo, noma kungaba yini, ngiyakutsandza uma kungiko sibili.

¹⁵⁴ Manje, bebafané bati kutsi Bekatofané akwente, yonkhe intfo yayifané imlalele. Sifanele sati intfo lefanako. Imitimba yetfu itodzingeka ilalele Livi laKhe. “NgiyiNkhosi lephilisa tonkhe tifo tenu.” Ngabe lelo Livi na? Yebo-ke, lomtimba ufanele ukulalele loko.

¹⁵⁵ Konkhe lengifané ngikwente kucindzetela likinobho. Amen. Ngalesinye sikhatsi likinobho lisemadvolweni, niyati. Kodvwa, ngianitjela, loko kutfumela gezi lapho.

¹⁵⁶ Kodvwa nguloko kuphela lokwentako kukholwa ngiko. Nkulunkulu wakwetsembisa. Futsi lapho lawomagagasi bekafané aMlalele, kanjalo naloku kufané kuMlalele. Ngangekutsi, Wetsembisa, emvakwekuba sesibhubhile, “Ngiyomvusa futsi, ngelusuku lwekugcina.”

¹⁵⁷ Bengikama letinwele leti letimbili noma letintsatfu lenginato, lapha kungesiko kadzeni. Nemkami watsi kimi, ahleti emuva laphaya, watsi, “Billy, sewuba nemphandla.”

¹⁵⁸ Ngatsi, “Kodvwa, uyati, s’tandwa, angikalahlekelwa ngisho nangulunye lwato.”

Watsi, “Ini? Awukalahlekelwa ngisho nangulunye lwato?”

Ngatsi, “Cha.”

Watsi, “Ngiyakucela ngitjele kutsi tikuphi.”

¹⁵⁹ Ngatsi, “Khona-ke ngifuna kukubuta lokutsite. Ngitjele kutsi betikuphi ngaphambi kwekutsi ngitemukele. Tiyaphatseka. Futsi nomangabe betikuphi ngaphambi kwekutsi ngititfole, tilapho tingilindzele kutsi ngite kuto.” Kunjalo.

¹⁶⁰ Watsi, “Akukho nalolulodywa lunwele lwenhloko yakho loluyobhubha.” Akukho lutfo loluyobhubha. Uyakwati . . .

¹⁶¹ Intfo lebhubbisa kakhlulu lesinayo ngumlilo. Kodvwa umlilo awushabalalisi. Ushisa kuphela ema-esidi nema-oksijini kuze kubuye emuva ngco kuloko lobekungiko ngaphambilini. Nkulunkulu akabhubhisi lutfo. Ungeke sewushabalalise lutfo. Haleluya! Kunjalo. Ungeke ushabalalise lutfo. Kuyobuyela emuva lapho kwacala khona.

¹⁶² Ngiwagcisha ngesandla emabhosho enhlavu. Ngidubule ngesibhamu i .220 Swift, ngiyibeka emafidi latinkhulungwane

letisihlanu ngemzuzu emlonyeni wesibhamu. Bese-ke ufaka nje ihhafu yephawoda yenhlavu kuso, udubule elubondzeni lapho, awuboni lutfo. Kungeke kwente ngisho licashata. Lokuvako nje ngumsindvo. Kwentekani? Uma leyonhlavu isuka kulelibhosho ngesivinini nalelotfusi nemthofi, ize ibuyele kuma esidi ayo emvelo, ngaphambi kwekutsi ibe njalo, eminyakeni letigidzi letilikhulu leyendlula, mhlawumbe. Kodvwa uma live belingema sikhatsi lesidze kangako, ingahle ibuye futsi ibe yinhlavu, futsi. Niyabona, kona, akukho lokushabalaliswako. Kuyabuya futsi. O, intfo lemangalisa kanje pho!

¹⁶³ Nginibambe sikhatsi lesidze kakhulu. Kulungile. Ngitovala, umzuzwana nje. Niyabona na?

¹⁶⁴ Manje, Nkulunkulu watsi, “Ngitokuvusa futsi etinsukwini tekugcina.” Kumangalisa kanjani pho!

¹⁶⁵ Bebefanele bakwati loku. Bebefanele bati kutsi Bekatokwenta imimoya nemagagasi kuMlalele, emvakwekuba bafundzi baKhe sebatitfole bona lucobo ekupheleni kwemandla abo.

¹⁶⁶ O Nkulunkulu, asesente intfo lefanako, kusihlwa, sitfole imitamo yetfu yebuntfu ekugcineni.

¹⁶⁷ Ngesikhatsi batitfola bona lucobo, kufanele kutsi kwasa kubo kutsi uMdali bekanabo; emvakwekuba dokotela wabo—wabo sekehulekile, emvakwako konkhe kwemukelwa kwabo kwengcondvo kwaKhristu kwehulekile, emvakwekuba bodokotela sebehulekile, nayoyonkhe intfo.

¹⁶⁸ Khumbulani nje kutsi uMdali ukanye natsi. Niyabona na? Ulapha, Lowo Lowetsembisa letintfo leti. EmaHebheru 13:8.

Kwabese-ke kufika lomcabango, “Asambeni, sivuse Jesu.”

¹⁶⁹ Leso sinyatselo lesilandzelako. Nguleyontfo ngatsi. Asihambe, siMbitele enkhundleni. Wetsembisa kuba natsi. Akazange Atsembiese yini? “Bhekani, Mine nginani njalo, kuze kube sekupheleni kwemhlaba.” “Jesu Khristu nguye itolo, namuhla, naphakadze.” Hambani, nivuse Jesu, ngoba Ukany natsi, njengoba Bekanjalo ngalesosikhatsi.

¹⁷⁰ Bebalibonile Livi laNkulunkulu lemBhalo likhonjwa, kutsi lowo kwakunguMesiya. Bebakwati. Niyabona na? Kanjalo natsi. Sibone intfo lefanako, lefika ngeluSuku lwePhentekhosti, ifika ngco etikwefu; luhla lwemutsi nekusetjentiswa kwawo lolufanako, intfo lefanako yenteka. Simbonile Jesu ema emkhatsini wetfu ngco, asebenta ngebantfu, futsi aphilisa labagulako, futsi avusa labafile, futsi avula emehlo laphumphutsekile, futsi enta imisebenti lefanako Layenta ngalesosikhatsi, ngalokufanako nje njengoba Etsembisa. Ngako akukafaneli kubekhona kukhatsateka ngako. Niyabona na? Manje, asikafaneli sicabange ngako.

¹⁷¹ Wesifazane wake watsi kimi. Ngesikhatsi ngishumayela, kwentekile ngacabanga ngaloku. Bekunadzadze lowatsi kimi, watsi, "Mnaketfu Branham." Nginitjelile loku, tikhatsi letinengi, kodvwa kungahle kubite kuperhindza futsi. Watsi, "Kunentfo yinye nje lengiyitfola ikabi ngekushumayela kwakho."

¹⁷² Ngatsi, "O, hhe, ngiyabonga, uyabona, 'intfo yinye nje'" Ngatsi, "Ngi—ngiyabonga impela kuwe."

¹⁷³ Bekawelibandla lelalingakholwa kutsi Jesu bekanguNkulunkulu. Bekangakholwa kutsi Bekangetulu kwemvelo. Bebangakukholwa. Bekangakholwa kutsi—kutsi Bekanguloko Lebekangiko, Mesiya. Watsi, "BekangumProfethi. BekanguMuntfu lolungile, kodvwa Bekangeke abe yiNdvodzana yaNkulunkulu. Ngoba, Nkulunkulu bekangeke abe neNdvodzana. Nkulunkulu unguMoya." Niyabona na? Wehluleka kucondza kutsi Nkulunkulu wasibekela Mariya, loko kwaveta kutilwa yintfombi ntfo. Niyabona na? Futsi watsi kimi, "UMenta abe ngulo nebuNkulunkulu, Mnumz. Branham."

Ngatsi, "Ungu lonebuNkulunkulu."

¹⁷⁴ Watsi, "Ngani," watsi, "ngani, Bekangeke abe ngulo nebuNkulunkulu." Watsi, "Utsite uyalikhola liBhayibheli."

Ngatsi, "Ngiyalikhola."

¹⁷⁵ Watsi, "Uma ngitofakaza kuwe, ngeliBhayibheli lakho lucobo, kutsi Angeke abe ngulo nebuNkulunkulu, kutsi BekanguMuntfu phaca nje kuphela, uMuntfu lolungile." Futsi bona, yebo-ke, uma akhona lomunye wabo ekhatsi lapha, angifuni kulimata imizwa yakho. Ngoba, Khristu wafa... BekuyiSayensi yebuKhristu, niyabona. Futsi watsi, "Manje, kophiliswa kwakho netintfo," watsi, "Ngi—ngiyakholelwakuloko, konkhe nalokuncane, kodvwa," watsi, "wenta Jesu abe ngulo nebuNkulunkulu."

¹⁷⁶ "Ngani," ngatsi, "Kusemkhatsini wekutsi une buNkulunkulu nomu ungumkhohlisi lomkhulu kunabo bonkhe live lelake laba naye." Niyabona na? Ngatsi, "Kungaba kutsi bekanguNkulunkulu nomu Bekangesilutfo." Niyabona na?

¹⁷⁷ Wase utsi, "O, hhe, Mnumz. Branham!" Watsi, "Bekangeke abe ngulo nebuNkulunkulu."

Ngatsi, "Yebo-ke, nginike umBhalo wakho."

¹⁷⁸ Watsi, "Lapho Asehlela ethuneni laLazaru, kuJohane loNgcwele sahluko se 11," watsi, "liBhayibheli latsi Wehlela lapho ethuneni laLazaru."

Ngatsi, "Yebo, memu. Ngiyati lapho ufundza khona."

¹⁷⁹ Watsi, "Khona-ke liBhayibheli latsi, 'Endleleni yaKhe entasi lapho, kutsi Wakhala.'"

Ngatsi, "Kunjalo."

Watsi, “Yebo-ke, Bekangaba kanjani ngulo nebuNkulunkulu, aphindze akhale?”¹⁸⁰

¹⁸⁰ Ngatsi, “Yebo-ke, uyehluleka kubona kutsi Bekayini. Bekangiko kokubili uMuntfu naNkulunkulu.” Niyabona na? Ngatsi, “BekanguMuntfu ngesikhatsi Akhala. Kunjalo. Kodvwa ngesikhatsi Ema ngasethuneni lalowomuntfu lobekafile, tinsuku letine, futsi watsi, ‘Lazaru, phuma.’ nemuntfu lobekakadze afe, tinsuku letine, wavuka waphila futsi waphuma ethuneni, loko kwakungetulu kwemuntfu.” Kunjalo.

¹⁸¹ Ngatsi, “Liciniso, BekanguMuntfu ngesikhatsi Ehla avela entsabeni ngalobo busuku, alambile, futsi wabuka kuwo wonkhe u—umkhiwane, kutfola lokutsite langakudla. BekanguMuntfu ngesikhatsi Alambile. Kodvwa ngesikhatsi Atsatsa imicatsane lesihlanu netinhlanti letimbili, futsi wondla bantfu laba tinkhulungwane letisihlanu, loko kwakungetulu kwemuntfu.” Kunjalo. Liciniso.

¹⁸² Futsi ngatsi, “Bekangumuntfu ngesikhatsi Alele ngemuva kulesosikebhe, akhatsele, lapho emagagasi angazange ngisho aphakame...akazange ngisho aMvuse, abonakale aMvusa. BekanguMuntfu. Akungabateki kutsi bodeveli laba tinkhulungwane letilishumi belwandle bafunga kutsi batoMcwilisa ngalobo busuku. Niyabona na? Manje, Beka nguMuntfu alele lapho, akhatsele. Kodvwa uma ngesikhatsi abitelwa enkhundleni, amen, Wabeka lunyawo IwaKhe lwanyatsela kulo mngcengcema wesikebhe, wabuka etulu wase utsi, ‘Kuthula,’ wabuka phansi kulamagagasi wase utsi, ‘Thulani,’ nemimoya nemagagasi kwaMlalela. Amen. Loko kwakungetulu kwemuntfu.” Yebo, mnumzane.

¹⁸³ Beka nguMuntfu esiphambanweni, ngesikhatsi Akhalela emanti. Bekangumuntfu akhala, “Ngomile.” Kodvwa ekuseni ngeliPhasika, ngesikhatsi Ephula timphawu tekufa, sihogo, nelithuna, wase wenyukela etulu, Bekangetulu kweMuntfu. Lowo kwaku nguNkulunkulu kuMuntfu. Kunjalo.

¹⁸⁴ Futsi lowo Lofanako uphila kitsi, kusihlwa, njengaMoya waMoya loNgcwele. Yebo, mnumzane.

¹⁸⁵ Bantfu namuhla batsi, “Bengingakholwa kanjani kutsi Unguye itolo, namuhla, naphakadze?” Khumbulani, Wetsembisa, eNcwadzini ye—yemaHebheru, kutsi, “Bekanguye itolo, namuhla, naphakadze.”

¹⁸⁶ Wetsembisa, futsi, e—eNcwadzini yaJohane loNgcwele, sahluko se 14 saJohane loNgcwele, nelivesi le 12, Watsi, “Loyo lokholwa ngiMi, lemisebenti lengiyentako Mine naye utoyenta. Letintfo leNgitiphilako, kutsi Babe uhlala kiMi, njengaMi ngiyiNdvodzana yaNkulunkulu; njengoba Nginibeka, UMoya wami utawuba kini futsi wente tintfo letifanako.” Impela. Loko kukwemvelo kuphela.

¹⁸⁷ Futsi, Watsi, “Bhekani, Nginani njalo, kuze kube sekupheleni kwemhlaba.” Matewu 28, 28:22, noma 28:20, nguye. “Bhekani, Mine niginani njalo, kuze kube sekupheleni kwemhlaba. Nginani. Kusesikhashana nje,” Washo futsi, “nelive lingeke lisaNgibona, noko nine nitoNgibona. Ngoba Ngi...” Ngi ngulesinye sabito selucobo. Niyabona na? “Ngitawuba nani, ngibe ngisho nakini, kute kube sekupheleni kwemhlaba. Lemisebenti lengiyentako Mine nani nitawuyenta.” Nako laph’ukhona. Bewuyokwati kanjalo-ke. O, futsi, “Angiyuze ngikushiye futsi ngikulahle.”

Wena utsi, “Kungenteka kanjani loko? Kungafakazelwa kanjani?”

¹⁸⁸ Johane 14:12, niyabona, “Lemisebenti lengiyentako Mine nani nitoyenta.” Manje ulindzele kubitelwa enkhundleni. Ulindze kuleli-awa khona manje, kufakazela kona kanye lelengikushito ngaYe, kutsi kube njalo manje. Uma kungenjalo, khona-ke *Loku* kuliphutsa futsi ngingufakazi wemanga. Sewulungele kubitelwa enkhundleni khona manje, kwenta tintfo letifanako Latenta.

¹⁸⁹ Ngako kulesikebhe lesintjweza kuso, asivuse Jesu etimphilweni tefu. Lalelani. Bengihlale ngisho. Kube ngime lapha ngembili futsi nganitjela kutsi umoya waJohn Dillinger bewuhlala kimi, ngani, bengiyoba netibhamu futsi ngibe ngumgulukudvu. Impela. Kube nginitjelile kutsi—kutsi—kutsi Shakespeare bekahlala kimi, bengiyoba ngusonkondlo. Kube Shakespeare bekaphila kuwe, ngani, wena, bewuyokwati kutsi kanjani ku... Bewuyoba ngumcambi lomkhulu wetinkondlo. Ngabe kunjalo na? Impela. Bewungakwenta. Tinkondlo, bewungenta tinkondlo, ngoba Shakespeare, u—umbhalii lomkhulu, bekayoba kuwe, futsi bewuyoba nguShakespeare. Ngabe kunjalo na? Kube Shakespeare bekaphila kuwe, bewungeke waba nguShakespeare? Impela, bewuyoba nguye.

¹⁹⁰ Kube Beethoven bekahlala kuwe, bewungeke yini ube ngumcambi wemaculo, umcambi lomkhulu, Beethoven na? Utsi, “Beethoven uhlala kimi.” Khona-ke utokwenta imisebenti yaBeethoven. Utobhala umculo wakhe, impela, uma bekaphila kuwe. Impela bewuyokwenta loko, ngenca yekutsi umoya wakhe bewuphila kuwe.

¹⁹¹ Khona-ke, uma Khristu aphila kimi, uma Khristu aphila kimi, lemisebenti yaKhristu iyokwentiwa ngami. Impela. Uma Beethoven ahlala kini, imisebenti yaBeethoven iyokwatiwa. Uma Khristu aphila kuwe, imisebenti yaKhristu iyokwatiswa, ngoba Uyafana. “Kuyafana,” Angeke agucuke. Niyakhumbula kutsi ngatsini? KuPhakadze. Angeke agucuke. Unguye itolo, namuhla, naphakadze.

¹⁹² O, khona-ke, Mbitele enkhundleni. Niyesaba yini kukwenta? Ngemadvodza aleli-awa, ngemadvodza alolusuku, esaba

kubitela Jesu enkhundleni, kutsi, “Nkhosi, Wakwetsembisa. Manje kwente”? O, hhe.

[Lomunye dzadze ucaphuna Sihlabelelo 103:1-9, 11—Umhl.] Amen. Sihlabelelo.

¹⁹³ Mkhulu Jehova! O, unemandla Jehova! Ungunaphakadze Jehova. Uvela eliphakadzeni kuya elingunaphakadzeni. UnguNkulunkulu. Sihawu saKhe simele tinkhulungwane tetitukulwane, sisetikwabo labamesabako Yena.

¹⁹⁴ Uyesaba yini kuvusa loyo Jesu emphilweni yakho, lobekalele sikhashana? Uyesaba yini kuvusa leyontfo leyo, eminyakeni lembalwa leyendlulile, beyehlele etikwakho futsi yakugcwalisa ngetibusiso taKhe? Uyesaba kuMvusa, futsi utsi, “Nkhosi Jesu, ngisenkingeni, kusihlwa. Wota esigcawini wentele mine. Ngintjweza etilwandle, ngishaywe sifo. Ngihlaselekile. Ngisite, O Nkhosi Nkulunkulu. Ngisite”? Uyesaba yini kuMbitela enkhundleni? Cha.

¹⁹⁵ Uma uMbitela enkhundleni, njengalabo bafundzi, konkhe kungabata kutsatsa sihlalo sako, kuhlala phansi. Kukholwa kuyenyuka. Kungabata akusekho. Kukholwa sekutsetse indzawo.

Kubhaliwe eBhayibhelini, kutsi, emaHebheru 13:8, atsi, “Jesu Khristu ungye itolo, namuhla, naphakadze.” Kubhaliwe, manje akwenteke.

¹⁹⁶ Kubhaliwe kuJohane loNgewe 14:12, njengoba nje ngicaphunile lapha, “Loyo lokholwa ngiMi, lemisebenti lengiyentako Mine naye utoyenta.” Ngabe kunjalo na? Kodvwa bekubhaliwe, manje akwenteke. Niyabona na? Nkulunkulu wakwetsembisa. Nkulunkulu washo njalo.

¹⁹⁷ Kubhaliwe, Matewu 28:20, “Bhekani, Mine nginani njalo, kuze kube sekupheleni kwemhlaba.” Niyabona na? “Kusesikhashana nje nelive lingekе lisaNgibona, noko nine nitoNgibona; ngoba Ngitawuba nani, ngibe ngisho nakini, kute kube sekupheleni kwemnyaka.” Loko kubhaliwe, “NitoNgibona.” Bekubhaliwe, manje akwenteke. Niyakukholwa loko na?

¹⁹⁸ Senginigcine kwaze kwendlula sikhatsi. Seyigabence insimbi yemfica. Futsi ngiyati mhlawumbe ngabeseniente ekhaya futsi nahamba nayolala ngalesikhatsi lesi. Anime kancane nje. Letintfo leti, nginedazini yalamanye emanotsi lapho, kodvwa angeke ngiye kuko.

¹⁹⁹ Bukani. Ngabe letintfo leti tiliciniso yini? [Libandla litsi, “Amen.”—Umhl.] Uma kungesilo liciniso, pho sentani ke lapha? Sitisho kutsini, intfo letsite, kutsi siba bazenzisi? Yini lelesitsi singiko, eveni, letintfo le—lengasinjalo? Ngani, sitifola sibofakazi bemanga, futsi besingakafaneli ngisho sivunyelwe kuphila. “Khona-ke uma kungekho kuvuka

kulabofile, naKhristu akavuki kulabofile, khona-ke dlani, unatse, futsi wetsabe.” Nonkhe phumanı futsi niphile njengawo wonkhe dodi, netingulube, niyabona, uma kungekho kuvuka. Uma kungekho kubuya kwaKhristu, uma lapho...uma—uma Angekho lapha, nemaVi aKhe akasilo liciniso, Uma lokuncane kwako kuliphutsa, khona ke ngingeke ngaba nekukwetsembe lokunye kwaKo. Konkhe kufanele kubhalwe, konkhe kufanele kube kahle.

²⁰⁰ Leli li-awa, lapho Jesu atsi, “Njengoba kwakunjalo emihleni yaseSodoma, kuyobanjalo ke ekuBuyeni kweNdvodzana yemuntfu.” Bukani, bukani iSodoma, umzuzwana nje, sengivala. ESodoma, ngaphambili, umhlabu washiswa, umhlabu webeTive washiswa. Manje, lesikhatsi lesi, utoshiswa futsi. Niyabona na? Akusesiwo emanti; ngumlilo, kulesikhatsi lesi. “Njengoba kwakunjalo etinsukwini taseSodoma.” Manje, bukani sisimo selive namuhla, njengeSodoma nje, ugcoka nje ngendlela lefanako, yonkhe intfo. Ngianitjela. Lihlazo. Futsi bukani live, nje lidvunguta esonweni.

²⁰¹ Bukani, ngisho, kungene ebandleni. NemKhristu loyifashimi lendzala, asibaboni, nakancane, nhlobo. Nebesifazane betfu—betfu, bonkhe bahlula tinwele tabo, batipendile, bagcoke tikhindi, na—nayoyonkhe intfo, ngekungatihloniphı nje, futsi ningati kutsi nitocelwa ngaloloSuku kutsi niphendvule ngekuphinga. “Loyo lobuka wesifazane amkhanuke sewuvele uphingile naye.” Ungahle ubemsulwa, uhlonipheke, kanjalo. Kodvwa indlela loyentile, netoni tikubuka, ngendlela lengakafaneli. Utivete wena, khona-ke unelicala. Unelicala. Jesu washo njalo. Bukani ngisho nebesifazane betfu bePhentekhostali.

²⁰² Futsi bukani bafundisi betfu, labanengi babo bayehla, bayesaba kusho nomayini lephambene nako, besaba kutsi inhlangano yelihlelo itobakhiphia.

²⁰³ Ngingamane ngilale ngesisu sami, futsi ngingatse emanti eligala futsi ngidle imicatsane ye-soda, kepha ngishumayele leloLivi futsi ngikhulume liCiniso, yebo, mnumzane, kunekuba wayoyonkhe intfo lekhona. Yebo, mnumzane.

²⁰⁴ O, sidzinga kujula kwebucotfo. Sidzinga intfo letsite emuva. Asidzingi intfo yekubukisa lokunengi kangako. Sidzinga Moya loyiNgewelesaphila emkhatsini wetfu, lapho bantfu bangatsi khona, “Ngubani longangilahla ngesono?” Sono kungakholwa.

²⁰⁵ Uma imiBhalo ishito kutsi Jesu uyokwenta kutsi-nekutsi, Watsi, “Ngumuphi kini longaNgilahla, noma aNgisole ngesono?”

²⁰⁶ Manje, sinye kuphela sono, loko kungakholwa. Loko kutsi, kukholwa noma kungakholwa. “Loyo longakholwa sewuvele ulahliwe.” Ungabhema, unatse, futsi wente letintfo leti ngoba awukholwa. Kodvwa uma ukholwa, utokwenta ngalenyе indlela.

Niyabona na? Kungenca yekutsi kukholwa noma kungakholwa kukuwe.

²⁰⁷ Manje, bukani. Hlalani nithule umzuzu nje. Manje, nasi sitatimende lesikhulukati. Ngibuka etikwaletetsameli leti, kucala. Ngicalata.

²⁰⁸ Futsi nga—nga—ngati umuntfu munye lengingambona ngephandle lapho, loyo le—lengingati kutsi ngiyamat. Yindvodza le—lengayimisa ngalelelinye lilanga. Bengingayati. Ibhasi beyitama kujikela ngesencele, nebantfu bajika. Ngacabanga, “Lowomfo utama kujikela, ngesencele.” Ngema, ngamkhweba. Futsi kunemshayeli webhasi lohleti lapha. Futsi loko yi...nalapha. Ngihangane naye ngale esitolo lotsenga udlele kuso iFurr namuhla, noma sitolo selitiya, futsi wangitjela kutsi bekayindvodza. Watsi umkakhe bekaphiliswe kuleminye yemihlangano ndzawanatsite ngenkhatsato yetinso, tinsio letintantako noma lokutsite, futsi babitelwa ngephandle, emhlanganweni. Niyabona na? Angikaze...Nkulunkulu eZulwini uyati kutsi angikaze ngimbone lowesifazane emphilweni yami. Angikaze ngimbone. Futsi nayi lendvodza. Ngiyacabanga, umkayo, ngikholwa kutsi ulapha ndzawanatsite, utoba bufakazi. Niyabona na? Netinfo, kuyachubeka nje. Niyabona na?

Futsi angiboni muntfu impela lengimatiko.

²⁰⁹ Kodvwa, khumbulani, Nkulunkulu unati nonkhe. Uyati kutsi kunani enhlitiyeweni yakho. Futsi uma Yena aLivi... Niyakholwa kutsi Yena uLivi? LiBhayibheli latsi, “Livi laNkulunkulu linemandla, likhalipha kunenkemba lesika ngetinhlangotsi totimbili, linguMhloli wemicabango yenhlitiyo.” Ngabe loko kunjalo na? Kungalesosizatfu Jesu bekangema futsi abone imicabango yabo, futsi abatjele loko lebebakwentile. Niyabona na? Kunjalo.

²¹⁰ Lowesifazane watsintsia sembatfo saKhe. Futsi Wagucuka, watsi, “Ngubani loNgitsintsile?” Bekangati ngalesosikhatsi. Futsi wonkhe umuntfu wakuphika.

²¹¹ Kodvwa Wacalata, waze Watfola lapho lawomandla bekaye khona. Wakubona etikwa lowesifazane lomncane. Futsi Wamtjela ngenkinga yakhe yekopha, futsi washo, kutsi, “Kukholwa kwakho kukusindzisile.” “Kukholwa kwakho.” Bekadvonsele kuNkulunkulu, advonswe kuNkulunkulu, ngaYe. Kungalesosizatfu emandla bekahambile, emandla. Kukholwa kwakhe kwakutsintse Nkulunkulu, ngaYe. Niyabona na?

²¹² Manje, “Lemisebenti lengiyentako Mine nani nitoyenta.” Niyabona kutsi ngicondze kutsini na?

²¹³ Lomunye watsi, “O, senta imisebenti lemikhudlwana.” Yeboke, yenta nje imisebenti, kucala, niyabona. Futsi yenta nje imisebenti. Niyabona na?

²¹⁴ Wena utsi, “Sishumayela liVangeli emhlabeni wonkhe jikelele. Loko kukhulu.” Utama kubhaca emvakwentfo letsite, mfo. Niyabona na?

²¹⁵ “Lemisebenti lengiyentako Mine, futsi. Lemisebenti lengiyentako Mine nani nitawuyenta; nalemenengi kunalo, ngoba Mine ngiya kuBabe.” Niyabona na?

²¹⁶ Buka lowesifazane emtfonjeni, nakanjalonjalo. Bati kanjalo-ke kutsi Beka nguMesiya. Uma Efika kusihlwa, edolobheni, wati kanjani kutsi kwakunguYe? Niyabona na? Tibati tetipikili, noma ngumuphi umzenzisi angakwenta loko, abeke sibati sesipikili esandleni sakhe, niyabona, noma yini. Cha, mnumzane. Indlela kuphela labake bakwati ngayo, kuyinkhomba yaMoya, niyabona, iyokwenta lemisebenti Latsi IyoYenta. Manje, ngiyakukholwa loko.

²¹⁷ Kungani nginalesicuku lesi sebantfu bePhentekhostali? Angisuye wanoma ngutiphi tetinhlangano tabo, ngoba nje ngime esikhalieni futsi ngitsi, “Sibobhuti,” konkhe kwako. Niyabona na? Ngoba ngikhola kutsi banentfo lesondzele kakhulu kuloko lengicabanga kutsi liBhayibheli lingiko, yanoma ngubani lengimatiko. Niyabona na? Ku—kungalesosizatfu ngikwenta. Angizange ngijoyine, ngoba ngibabona nhlangotsi totimbili, banaketfu labanaMoya loNgewe. Ngiyakukholwa loko. Ngiyati kutsi kuliciniso. Niyabona na? Futsi ngako angitsanzi kwakhela kuleli, noma ngakhele kulelo, noma ngisuse kuloku nalokwa. Ngivele ngime bese ngitsi, “Sibomnaketfu.” Khohlwa ngaloko nje. Asibe bomnaketfu, niyabona. Asibe bobhuti nje. Futsi kuphela nje uma Sathane asasilwsa lomunye nalomunye, ngani, akadzingeki kutsi alwe nhlobo. Kodvwa kuphela nje uma sikhohlwa loko kulwa, futsi sijoyine imikhono netinhlitio, futsi sitsi, “Sibobhuti,” siya phambili, masotja langemaKhristu, ke, leyomvuselelo lenkhulu. Akukho mkhandlu wenkholo loyoke ukutsintse loko. Cha, mnumzane. Loko kukhetsa kwaNkulunkulu, labaKhetsiwe lababitiwe, manje. Uma lusuku...

²¹⁸ Khumbulani nje, sibonakaliso sekugcina lesentiwa, ngaphambi kwekutsi iSodoma ishiswe, kwaku nguNkulunkulu abonakaliswa emtimbeni wemuntfu. Ngabe kunjalo na? [Libandla litsi, “Amen.”—Umhl.] Ngiyakubuta. TiNgelosi letintsatfu tenyukela ku-Abrahama.

²¹⁹ Naletimbili taletiNgelosi tachubeka tehlela eSodoma, kunika secwayiso. Loko kwakukuba sivuvu, libandla lelihlelo, Billy Graham wesimanje, nakanjalonjalo.

²²⁰ Kodvwa Abrahama bekamelele, njengoba kwakunjalo ngalolosuku, liBandla lelikhetsiwe lelalingakabi sentasi eSodoma. Kuphuma eSodoma, emaphentekhostali latelwe kabusha mbamba futsi bonkhe lotelwe nguMoya. Manje

bukisisani Lowo lowasala ngemuva futsi wakhuluma na-Abrahama. Watsi...

²²¹ Manje khumbulani, ligama lakhe kwakungu-Abrama, etinsukwini letimbalwa ngaphambi kwaloko, naSara bekangu S-a-r-a-y-i. Futsi bekakadze aguculiwe waba ngu-Abrahama, naku S-a-r-a, Sara. Niyabona na? A-b-r-a-h-a-m-a, *Abrahama*, “uyise wetive.” Niyabona na?

²²² Futsi ngabe akushayi yini, kutsi, onkhe alamadvodza lamakhulu lake aya ebandleni laseSodoma ngephandle, eveni namuhla, onkhe emadvodza lamakhulu lake aphumela lapho. Kubekhona Billy Sunday, Sankey, Finney, Knox, Calvin, Luther, kanjalonjalo. Kute namunye wabo lowake wabaneligama leligcina nga h-a-m-a, kuze kube ngunamuhla, G-r-a-h-a-m. Kute lomunye, nomanini. Leto tinhlavu temagama letisitfupha. Lapho, Abrahama angu A-b-r-a-h-a-m-a, sikhombisa, kuphelele. Niyabona na? Kodvwa bukisisani. LeNgelosi leta ku-Abrahama, yatsi kuye, “Abrahama,” hhayi Abrama. “Abrahama, uphi umkakho,” hhayi Sarayi, kodvwa, “Sara.”

NeliBhayibheli latsi, “Ulathendeni emvakwaKho.”

²²³ Futsi Watsi, “Ngi...” Nako laph’ukhona, sabito selucobo futsi. “Ngitokuvakashela, Abrahama,” ngekwesetsembiso Lasiniketako.

²²⁴ Kwakungubani lowo? Lutfuli etimphahleni taKhe. Lodla litfole, anatse lubisi loluvela enkhomeni, adle bhotela, sinkhwa. Ahleti lapho, atiphatsisa kwangatsi Bekanelutfuli futsi akhatsele. Akutsi... Wageza tinyawo taKhe, uMuntfu, bekabukeka kanjalo. Futsi Watsi, “Uphi Sara?”

Watsi, “Ulathendeni, ngemuva.”

“Ngitokuvakashela, ngekwe...”

²²⁵ Futsi lowesifazane bekenta, lelenikubita ngekutsi, kulalela ngansense, niyati, alalela ethendeni. Akagijimanga njengebesifazane banamuhla, niyati, futsi ufanele, niyati. Kodvwa, yena, yena alalele ngasethendeni, kuloko umyeni wakhe lebekatokusho. Kuletinsuku tamanje, ashlo loko lebe kangakafaneli akusho. Ngako-ke walalela kanjalo, ngelithende. Futsi ngesikhatsi eva... Hhayi nine bodzadze, cha, cha; nati kancono kunaloko. Niyabona na? Kodvwa, yebo-ke, bekalalele.

²²⁶ Futsi yena wa—wahleka, wahlekela ngekhatsi, watsi, “Mine, salukati, ngingeminyaka lelikhulu budzala, nenkhosi yami, nayo seiyindzala, futsi singaba nekutijabulisa futsi?” Niyabona, njengendvodza nemfati, bese bayekele, iminyaka neminyaka ngaphambili. “Mine ngibe nekutijabulisa nemyeni wami futsi, sibenjenjabulo ndzawonye?” Futsi wahleka.

²²⁷ NaleNgelosi, newaYo... LeNdvodza, nemhlane waYo ufulatsele lithende, yatsi, “Uhlekeleni Sara?”

Futsi watsi, wagijima waphuma futsi wavuma, “Angikasho.”

“Kodvwa ukwentile.” Niyabona na?

²²⁸ Manje, Nkulunkulu ngabe wambulala khona lapho. Kodvwa bekangeke amlimate, ngoba bekayincenye ya-Abrahama. O, ngabe sesafa kadzeni, kube bekungesiyo incenye yaKhristu. Tonkhe letintfo Latentile, futsi sihambe sajikeleta futsi satsi, “Kukufundza ingcondvo. Nguloku, *lokwa*, noma *lolokunye*.” Kodvwa Angeke akhone kukutsintsa. Niyabona na? Lulaka lungeke lukutsintse wena, ngoba uyincenye yaKhristu uma utelwe kabusha. Niyabona na? Niyabona na? Bekangeke akhone kukwenta, ngoba kwakuyolimata Abrahama. Setsembiso sakhe sasiku-Abrahama, naSara uyincenye ya-Abrahama. NeliBandla liyincenye yaKhristu, uMlobokati. Niyabona na? Bekangeke akwente, naloku nje kungakholwa kwakhe.

Watsi, “Kodvwa ukwentile.”

²²⁹ LiBhayibheli latsi bekesaba. Mhlawumbe bekesaba kutsi bekatolahlekelwa bulunga bakhe noma lokutsite, kodvwa, niyabona, niyabona, njenganamuhla. Kodvwa—kodvwa bekesaba.

²³⁰ Futsi, caphelani, leyoNdvodza lefanako iniketa tibusiso ku-Abrahama. Nesesetsembiso, kutsi, uma bekangatfola imiphefumulo lelishumi lelungle, Bekangeke ayibhubhise, futsi wanyamalala embikwakhe.

²³¹ Futsi Abrahama wambita nga-*Elohim*, “Lowenele konkhe.” Manje tfola liBhayibheli lakho bese uyabuka. Uma... “Ekucaleni Nkulunkulu...” Ubone kutsi lowo akusuye yimi “Elohim.” Futsi lapha Abrahama, lowakhuluma naYe, wabita lokubonakalisa uMuntfu lapha, ngaphambi nje kwekushiswa kweSodoma, lobekakhona kuhlola imicabango engcondvweni, watsi kwakungu “Elohim.”

²³² NaJesu watsi, “Njengoba kwakunjalo etinsukwini taseSodoma, kuyoba njalo.” Manje bukani kutsi ngubani loye ebandleni, lihlelo. Bukisisani kutsi Nkulunkulu wentani emkhatsini walabaKhetsiwe. Naso ke nje sibonakaliso sekugcina Abrahama lake asemukela, li-liBandla lelibitelwe ngaphandle, relasemukela ngaphambi kwekutsi iSodoma ishiswe. Sisetinsukwini tekugcina.

²³³ Bangani, vusani Jesu. “Nkhosi, Wente lesetsembiso.” Ungesabi. Utsi, “Nkhosi Nkulunkulu, ngesibindzi ngiyaphuma. Ngiyatibusu, ekhatsi lapha. Vuka, Nkhosi, ekukhaleni kwami. Nginesidzingo. Bani nemusa kimi. Ngibe ngulongakholwa, futsi ngitsetselele ngako. Akutsi mine, kusukela manje, ngifuna kuKubitela enkhundleni, ngentele licala kugula kwami.”

²³⁴ LiBhayibheli latsi, “UngumPhristi loMkhulu lonekuvelana nebutaksaka betfu.” Ngabe kunjalo na? LiThestamenti leLisha, emaHebheru 1, emaHebheru 3, umPhristi loMkhulu. “Manje Uhleti ngesekudla saNkulunkulu, umPhristi loMkhulu longatsintfwa.” Futsi uma Anguye itolo, namuhla, naphakadze,

ungati kanjani kutsi uMtsintsile? Uyokwenta ngalokufanako njengoba Entile itolo. Loko bekutomenta Abenguye namuhla. Ngabe kunjalo na? [“Amen.”]

²³⁵ [Akucoshwanga etheyiphini—Umhl.] . . . emitimbeni legulako lapha kusihlwa. Nkhosi, Wena unguNkulunkulu, futsi akekho lonjengaWe. Intfo kuphela lesifanele siyente kutsi siphaphame, sititsintsitse, sibitele Jesu enkhundleni. Futsi, Babe, uma Ufika enkhundleni, ukhulume kutsi Unguye itolo, namuhla, naphakadze, futsi usente sati kusihlwa kutsi Usese lasikebheni. Usekhona lapha. Watsi, “Angiyuze ngikushiye. Angiyuze ngikushiye.”

²³⁶ Futsi akwateke kusihlwa, Nkhosi, kutsi ngikhulume liCiniso. Akunandzaba kutsi mangakhi emagama lengifanele ngiwasho, kutosolo kungafani naWe usho intfo yinye. Livi linye nje lelivela kuWe liyokusho lokukhulu kuna nomayini noma ngumuphi umuntfu langayisho. Sifuna Wena, Babe. Wota enkhundleni ngalokwenele nje kutsi labantfu laba lapha bakhone kubona kutsi Ulasikebheni, futsi ngiyakholwa kutsi sonkhe soni sitophendvuka. Ngikholwa kutsi wonkhe umhlubuki aphutfumele ngekushesha e-altari. Ngikholwa kutsi wonkhe umuntfu logulako utosindziswa. Ungeke Ukuphe loko, Nkhosi?

²³⁷ Sibita Wena. Wota, Jesu. Labanye batobhubha, Nkhosi. Labanye bayokufa kufa kwaPhakadze, kwehlukana naNkulunkulu, uma Ungeti enkhundleni. Siyahhubha, Nkhosi. Labanye babo uyikhohliwe lemimangaliso yaKho lemikhulu yekuphilisa. O Nkulunkulu, wota esigcawini. Sibitela Wena. Wota uvuse nembeza wetfu, Nkhosi, neMoya waKhristu longekhatsi kitsi. Sikhuleka ngeliGama laJesu Khristu.

²³⁸ Manje tinhloko tetfu tikhotseme, uma umshayi wepiyano angeta epiyanweni, noma ngabe kuyini. Futsi sicela inhloniphо yekutitfoba. Futsi manje asihloniphe ngekutitfoba njengoba sati kutsi sifanele sibe kanjani, umzuzwana. *Kholwa Kuphela*, uma utsandza, dzadze, kancane.

²³⁹ Manje, ngamunye wenu khulekani. Manje, tikhulekeleni. Ngifuna kwati kutsi bangakhi ekhatsi lapha longenalo likhadi lekukhulekelwa, futsi uyagula futsi ufunu Nkulunkulu akutsintse, ungaTiphakamisa tandla takho. Kulungile. Kulungile. Manje, bangakhi lonemakhadi ekukhulekelwa? Phakamisa sandla sakho. Yebo-ke, kunalabaphindvwe kabilo labanengi longenawo emakhadi ekukhulekelwa njengoba akhona lowo lonemakhadi ekukhulekelwa. Kungakhatsaleki noma ngabe unalo noma awunalo, loko akusho lutfo.

²⁴⁰ Loko kuchaza kutsi ubitela etulu lapha. Bengitoffola belusi, bete laphansi, sibeke tandla etikwenu futsi sinikhulekele. Manje, loko ku-loko kuhle. Niyabona na? Loko kuhle impela. Kodvwa lalelani. Niyati, kubeka tandla, ngiyakukholwa loko.

Kunjalo impela. Yebo, mnumzane, tichumanise nemhlatjelo. Ngiyakukholwa loko. Kodvwa, bukani, lomRoma ngalesinye sikhatsi... Lelo lisiko lemaJuda. Jayiru watsi, "Wota, ubeke tandla taKho endvodzakatini yami futsi itophila."

²⁴¹ Kodvwa lomRoma watsi, "Angikafaneli kutsi Ute ngaphansi kweluphahla lwami. Khulumu livi nje, inceku yami itophila." Manje, uma Anguye itolo, namuhla, naphakadze...

²⁴² Futsi angikwati. Nkulunkulu eZulwini uyati kutsi angiboni muntfu ngaphandle kwalomshayeli webhasi lapha, lengimatiko, kulesosikhatsi. Ngiyati nginalabanye bantfu... UMnaketfu Sothmann nabo usekhatsi lapha. Umkami usekhatsi lapha ndzawanatsite, kodvwa a—angimboni kulesikhatsi lesi. A—angimboni. Futsi angimboni uMnaketfu Sothmann. Kodvwa abekho lapha... Balapha, ngicondze kutsi, kodvwa angati kutsi bakuphi.

²⁴³ Manje ngifuna nikhuleke. Khulekani ngebucotfo nje, nitsi, "Nkhosi, ngisite." Futsi njengoba nikhuleka, khulekani umkhuleko wekukholwa, khulekani kutsi Nkulunkulu utoniphala sicelo senu. Futsi utsi, "Nkhosi, ngiyati kutsi leyondvodza ayingati, kodvwa uma nje Utifikaza kimi kutsi Ulashikebheni, kutsi Ulapha kulesakhiwo kusihlw. Khona-ke, ngiyati kutsi uMnaketfu Branham akangati, akati lutfo ngami. Kodvwa ungitjelile, kusihlw nje, kutsi Uyafana, UnguMesiya lofanako, futsi wetsembisa kutsi uma bekato Kukholwa, kutsi Uyokwenta imisebenti lefanako ngaye kutsi—kutsi Wakwenta ngaMesiya, ngoba uMoya waKhe uyoba natsi. Khona-ke uma ngati, kungafakazelwa kutsi Wena ulapha, khona-ke nguloko kuphela lengifanele ngikwati. Ngitokukholwa, ngayo yonkhe inhlitiyo yami." Nitokwenta loko? Futsi uma Atohamba angene esigcawini futsi ente intfo letsite njengoba Enta ngalesosikhatsi, khona-ke nitokwati kutsi yimisebenti Layenta.

²⁴⁴ Bukani kutsi Wentani ngesikhatsi Abone Phetro, Nathanayeli, wesifazane emtfonjeni, Bhathimeyosi loyimphumphutse, labo labaMtsintsile, lowesifazane lonemopho. Niyabona na? Bati kanjalo-ke kutsi BekaLivi, ngoba Bekakhona kuhlola imicabango yabo. Wetsembisa, ngesibonakaliso sekugcina, ngaphambi kwekuswisa kwemhlabo, kutsi kuyobuya futsi, sibonakaliso sekugcina eBandleni. Naku lapho sikhona. Nango umlayeto ebandleni lelihlelo ngephandle lapho. Nangu uMlayeto eBandleni, iphentekhostali, labaKhetsiwe, labadvonselwe ngephandle. Manje kholwani.

²⁴⁵ Manje, Babe loseZulwini, basetandleni taKho. Ngisetandleni taKho. Ngitinikela kuWe, ngibanikela kuWe, kute imisebenti yaNkulunkulu yatiwe, kutsi lomlayeto lomncane losikako kusihlw ungahle ubonakaliswe kulabantfu laba lapha eTucson, entasi lapha ekhatsi nalolugwadvule. Babe

Nkulunkulu, kulelibandla lelincane lelitsandzekako, nemelusi waKho lomncane lotsandzekako lapha, Nkhosi, kutsi lelibandla liyohlala njalo liphila ngemiphumela yeLivi laNkulunkulu, kute bati kutsi Jesu usese lasikebheni. Loko, ngoba lemvuselelo ayichubeki, loko akusho kutsi Sewuhambile. Ukhona lapha natsi, ulungele kubitwa nomangasiphi sikhatsi, akasilukhuni kutsi avuke, kepha utokuta asilamulele.

²⁴⁶ Ngicela Wena, Nkhosi, kutsi bantfu bati kutsi UnguNkulunkulu, futsi Unguye itolo, namuhla, naphakadze. Ngitinikela kuWe mine ngekwami, nelibandla, kutsi, emkhatsini wetfu, emkhatsini wekukholwa kwabo nesiphiwo Longinika sona, kute kukholwa kwabo kusebentise lesiphiwo lesi saNkulunkulu, loyobita kuletetsameli leti, kutsi, labantu laba labangatiwa, futsi wente njengoba Wenta ngesikhatsi lowesifazane atsintsa sembatfo saKho.

²⁴⁷ UngumPhristi wetfu loMkhulu, Nkhosi. Kwangatsi labantu laba bangatsintsia sembatfo saKho, futsi Utfumele umlayeto waKho kubo, njengoba Wenta ngaJesu Khristu, iNdvodzana yaKho. Njengoba tsine, tinceku taKhe letingatsandwa bantfu, singcweliswe ngeNgati yaKhe leligugu, kungahle kwentiwe imisebenti yaNkulunkulu eveni lelifako yatiwe kuletinsuku tekugcina. Futsi sitoKudvumisa ngako, Babe.

²⁴⁸ Khona-ke uma siya ekhaya kusihlwa, ngasemgwacweni, sitakusho njengalabo lebebavela e-Emawuse, emvakwekuba Sekafile, wavuka, futsi Wenta intfo letsite njengoba Enta ngaphambi kwekutsi Abetselwe. Bebatu kutsi kwakunguYe. Akekho lomunye umuntfu lobekangakwenta. Futsi ente loko futsi kusihlwa, Nkhosi. Yenta njengoba Wetsembisa. Setsembiso saKho. "Lemisebenti lengiyentako Mine naye uyouenta. Ngiyoba naye, ngisho nakuye, kute kube sekupheleni, kwemhlaba." Kutolicinisa, Nkhosi. Futsi sitotsi etinhliityweni tetfu tivutsa ngekhatsi kwetfu. Sicela eGameni laJesu. Amen.

²⁴⁹ Manje, eGameni leNkhosi Jesu, nginicela kutsi nihlale nithule, nihloniphe ngekutitfoba, kholwani.

²⁵⁰ Manje, ngibuka etikwetetsameli, naleLivi laNkulunkulu embikwami, Ngitsi umuntfu lokuphela lengimatiiko impela ngulomnaketfu *ngalapha*. Futsi manje ngiyambona umkami lengemuva, nangemuva lapho. Kodvwa asicale lapha ngaphambil.

²⁵¹ Manje khulekani futsi nitsi, "Nkhosi Jesu, ngive lokuningi kushumayela. Ngive imisebenti yebuciko lobusetulu yetinshumayelo. Kodvwa ngifuna kuKubona, njengoba emaGrikhi atsi, 'Mnumzane, sitsanza kubona Jesu.'" Bebangafuni kwati ngekudzabuka kwetintfo. Bebafuna kuMbona, kwati Yena, hhayi nomayini lenye ngaphandle kwaKhe. Futsi ULivi, niyabona, kwati Yena sicut sakhe. Utsi, "Nginje ngalowesifazane lobekanemopho. Ngingesidzingo.

Ungatibonakalisa nje Wena lucobo kusihlwa futsi ukhulume nami? UngumPhristi loMkhulu. Beningeke ngilati liphimbo laKho, mhlawumbé, uma Ukhulumile. Kodvwa uma Ukhuluma ngetindzebe temuntfu, njengoba Washo.”

²⁵² Nkulunkulu akenti lutfo ngaphandle kwekusebentisa umuntfu. Bangakhi...Niyakwati loko. Niyabona na? U—Ufanele asebentise umuntfu lotsite. Manje nito...Uma Atokwenta loko, futsi afakaze kutsi Ukhona lapha kanye natsi, ningakwemukela kophiliswa kwenu na? Phakamisa sandla sakho, utsi, “Ngitokwenta. Uma ngingaMbona enta loko, ngitokwemukela.” Nkulunkulu akubusise. Manje khulekani.

²⁵³ Futsi manje uma Enta nomayini ngalo kungummangaliso, ungangabati. Kholwa nje. Ungangibuka, wente nomayini lofuna kuyenta, kodvwa kuphela nje uma ukholwa kutsi Unguye. Niyakukholwa loko, ngesiphiwo sebuNkulunkulu, lesitfunyelwe sivela kuNkulunkulu, sabonakaliswa yiNgelosi? Futsi naku ngimile, labafundisi laba bangitungeletile, khona ngephandle lapha. Akukho lutfo...Kunjalo yini, mnaketfu? Sonkhe sihleti lapha. Nako laph'ukhona.

²⁵⁴ Angikwati wena. Nkulunkulu uyakwati loko. Angati ngisho nayinye intfo ngawe, kodvwa Yena uyati. Manje, ngeMuntfu longabonwa, Moya loNgcwele, Longenta kuphela atiwe ngеку tibonakalisa kwaKhe, angembula kini kona impela loko Latsi Livi liyokwenta. Uma Livi lifakwa enyameni, linguMhholi wemicabango yenhlitiyo. Ngabe kunjalo na? Kungalesosizatfu Bekangakwenta. Kholwa ke manje. Bani nekukholwa. Ungangabati. Bani nekukholwa nje.

²⁵⁵ Sikhatsi lesimnandzi kangaka pho! Ngicabanga kutsi lesi sikhatsi lesihle kakhulu semphilo yami, uma ngingema embikwesicuku sebantfu futsi ngibente bati kutsi kukhonta kwabo akusilo lite. Yonkhe lenye inkholo emhlabeni iyakhohlisa, ngaphandle kwebuKhristu. Yonkhe lenye inkholo emhlabeni iliphutsa, ngaphandle kwebuKhristu. BuKhristu ngibo kuphela lobungakukhomba ethuneni lelingenalutfo, bese uvula inhlitiyo futsi utsi, “Uhlala lapha,” futsi ukufakazele. Manje, naku Lakwetsembisa. Yena Utosigcina yini setsembiso saKhe? Nguloko-ke. Uyasigcina yini setsembiso saKhe? Yebo, mnumzane.

²⁵⁶ Wena utsi, “Yebo-ke, Mnaketfu Branham, yehla futsi ungiphilise.”

²⁵⁷ Ngifisa kwangatsi bengingakwenta. Yena sewuvele ukwentile. Intfo lekuphela Lafuna uyente kukukholwa. Niyabona na?

“Ungangisindzisa yini, Mnaketfu Branham?”

²⁵⁸ Ngifisa kwangatsi bengingakwenta. Kodvwa Yena sewuvele ukwentile. Wena ufanele...Intfo lekuphela Lebekangayenta, kube Bekeme lapha afake lesudu, Langipha yona, intfo kuphela

Lebekangayenta ngiko kanye nje loko lesiMcela kutsi akwente manje, niyabona, asente nje sati kutsi nguYe.

²⁵⁹ “Ningesabi, ngimi. Manini sibindzi.” Niyabona na? Bafundzi, ngesikhatsi Ahamba etikwemanti, bacabanga kutsi kwakungumoya, sipoko, noma lokutsite. Bebesaba. Watsi, “Ningesabi. Ngimi” Niyabona na? Futsi nguloko Latokusho kusihlwa, “Ungesabi. Ngimi.”

²⁶⁰ Ngibuke wesifazane lohleti lapha nje, angibuka ngco. Futsi uma ungaKubona manje, nako loko kuKhanya etikwa lowesifazane lohleti khona lapha. Angikwati. Kodvwa, nayi intfo yinye, uphetfwe yinkhatsato emhlane wakho. Ngabe kunjalo na? Uma loko kunjalo, phakamisa sandla sakho. Kulungile. Kukholwa kwakho kuyakusindzisa.

²⁶¹ Ngitjele kutsi utsintseni. Angikaze ngimbone emphilweni yami. Ngabe sitihambi lomunye kulomunye? Uma loko kunjalo, phakamisa sandla sakho. Ngako, niyabona, angikaze ngimbone lowesifazane emphilweni yami. Kodvwa ngimbonile kanjena, futsi bengati kutsi naku lapho bekukhona. Kulungile. Ya.

²⁶² Lapha, nayi intfo letsite. Nayi intfombatane lencane ihleti lapha esitulweni lesingembili, umntfwana nje. Ngitsite nje ngingakhulumu ligama lakhe, wa—wacala kukhala. Lentfombatanyana ifuna intfo lephatsekako sibili. Dzadze wayo uyakhala naye, emvakwayo. Angimati lomntfwana, angikaze ngimbone emphilweni yami, ngekwati kwami. Kodvwa ufunu umbhabhatiso waMoya loNgcwele. Liciniso lelo. Ngabe kunjalo, ntombatane lencane? Kunjalo. Phakamisa sandla sakho lesincane. Niyabona na? Nako laph'ukhona. Akasuye walapha. Uvela emphumalanga nalapha. Uyindvodzakati yesitfunywa senkholo lesingumfundisi. Empeleni, babe wakhe ufisa kungibona ngembuto lotsite. Angikaze ngimbone emphilweni yami, kodvwa lelo liciniso impela. Ungesabi, s'thandwa. Utomemukela Moya loNgcwele. Kukholwa kwakho kuyawenta. Kholwa nje.

²⁶³ Uma lowomntfwana lomncane angenta loko... Buta lomntfwana, ubone kutsi kuliciniso yini noma cha. Uma lowomntfwana lomncane... Batsintseni na? Ntfombatane lencane, unalo likhadi lekukhulekelwa, s'thandwa? Awulidzingi? A—awulidzingi lona. Niyabona na? Unalokunengi kunaloko likhadi lekukhulekelwa lelingiko, s'thandwa. Uneukholwa.

²⁶⁴ Khumbulani, utomemukela Moya loNgcwele. Yena, utomemukela. Ecinisweni, Useceleni kwakhe ngco manje. Utsi, “Wati kanjani?” Ngati kanjani kutsi yini lebeyingakalungi, kutsi bekafunani? Niyabona na? Manje, uma lowomntfwana, “umntfwana utobahola,” yini kungabi ngini manje?

²⁶⁵ Kunadzadze lohleti khona lapha, longibukako. Uphetfwe simo sekuguliswa yimizwa. Ukhulekela umyeni wakhe, naye,

longakasindziswa. Utokholwa ngenhlitiyo yakho yonkhe, ungakwemukela loko lokucelile. Amen.

²⁶⁶ Lapha, wesifazane lomncane lohleti emuva ngco *lapha* emgceni longaphandle, unenkhatsato yebesifazane. Uyakholwa ngenhlitiyo yakho yonkhe, utophiliswa. Uyakukholwa loko?

²⁶⁷ Kunadzadze lolikhala tsli lohleti emuva ngco emvakwakhe lapho. Uyathandaza, kodbwa ukhulekela lotsandzekako. Yindvodza lendzala, ngubabetala. Nalobabetala sewugule iminyaka. Kunjalo. Ngisihambi kuwe. Ngabe kunjalo na? Loko kwabangewla ngulenye ingoti leyacala lenkhatsato. Uma loko kunjalo, phakamisa sandla sakho. Kulungile. Uyakholwa na? Ungakwemukela loko lokucelile.

²⁶⁸ Ngandleletsite loko kwacala kugicika. Lomunye dzadze lolikhala tsli lohleti ngco emuva lapho, uphetfwe yinkhatsato yesifuba semoya. Lodzadze utophutselwa ngiko. Nkulunkulu, ngisite. Nkkt. Jamison, uyakholwa ngenhlitiyo yakho yonkhe. Sukuma ume netinyawo takho. Angikwati. Kodvwa, uyakholwa ngenhlitiyo yakho yonkhe.

²⁶⁹ Wena utsi, “Uyalati ligama lakhe?” Ngani, impela. Akamtjelanga yini Phero kutsi ligama lakhe lalingubani? Ya. Impela. Wati tonkhe tintfo.

²⁷⁰ Nayi indvodza ihleti lapha, itobulawa ngumdlavuza, uma intfo letsite ingamtsintsi masinyane nje. Unemdlavuza. Kunjalo. Uyakholwa na? Uykwenta? Uyakholwa kutsi Nkulunkulu angangitjela kutsi ungubani? Mnumz. Ladd, ke, uma ukholwa ngenhlitiyo yakho yonkhe, ungaphiliswa. Angikaze ngiyibone lendvodza emphilweni yami.

²⁷¹ Bita Jesu. Usemkhatsini wenu manje. Aniboni na? Niyakholwa na? Banini nekukholwa kuNkulunkulu. Uyakholwa kutsi ungaMvusa kunembeza wakho manje? Niyabona na? Niyakholwa na? Uma nikholwa, bekani tandla tenu etikwalomunye nalomunye, *kanjena*. Bekani nje tandla tenu etikwalomunye nalomunye. Mbiteleni Yena enkhundleni. Lowo nguYe. Niyakukholwa na? Lowo nguYe. Buta labantfu laba. Angikaze ngibabone emphilweni yami.

²⁷² Manje kukuyo yonkhe indzawo, kuso sonkhe lesakhiwo manje, njengoba nisabeke tandla tenu etikwalomunye nalomunye. Ningke nalitsatsa livi lami? Uma Nkulunkulu akucinisekisile kutsi nginitjele liciniso, niyabona, khonake tsatsani livi lami ngako. Nginitjela kutsi yini leliciniso. Yini liciniso? Bekani tandla tenu etikwalomunye nalomunye. Ningangabati. LiBhayibheli latsi, “Letibonakaliso leti tiyobalandzela labakholwako. Uma babeka tandla tabo etikwalabagulako, bayosindza.” Nangu Jesu emkhatsini wetfu, khona manje, uMoya waKhristu.

²⁷³ Manje, njengoba ubeka tandla takho kumuntfu lonawe, manje bakhulekele. Chubeka nje, ubeke tandla takho etikwabo

futsi ukhuleke. Ngitokhuleka ngilapha. Futsi ngikhholwa kutsi Nkulunkulu utophilisa wonkhe wenu. Wena beka tandla takho etikwabo, futsi ukholwe, lapho sisakhuleka.

²⁷⁴ Nkhosi Jesu, siyabonga kakhulu kuWe. Inhlitiyo yami iyagijima, ngoba Wena ulapha, khona lapha eTucson. Naku lapha Ukhona, khona lapha kulombsano welibandla. Ulapha emkhatsini webantfu. Ukufakazele, Nkhosi. Letintfo leti tingentiwa kanjani ngaphandle uma kukwaNkulunkulu? Akumangalisi umphostoli atsi, “UMuntfu lofakazelwe nguNkulunkulu emkhatsini wetfu, ngetibonakaliso netimanga, lokukutsi (Yena) Nkulunkulu wakwenta ngaYe emkhatsini wetfu sonkhe, lesibofakazi.” Futsi nangu lowoMuntfu lofanako, Jesu Khristu, iNdvodzana yaNkulunkulu, ngesimo saMoya loNgcwele, kusihlwa, ahambahamba emkhatsini wetfu, acinisa emaVi aKhe. “Lemisebenti leNgiyentako nani nitawuyenta.” Siyati kutsi Ulapha, Nkhosi. Awukasishiyi.

²⁷⁵ Manje, labantfu laba babeke tandla tabo etikwalomunye nalomunye. Bangemakholwa. Bakhulekela lomunye nalomunye, futsi bayakholwa kutsi Utobaphilisa.

²⁷⁶ NgeLivi laNkulunkulu lophilako, ngensayeya Livi leliyiniketako, kutsi, “Letibonakaliso leti tiyobalandzela labakholwako.” EBukhoneni bajesu Khristu lovukile, iNdvodzana yaNkulunkulu, eBukhoneni baKhe! Bukhona, Moya loyiNgcwele lokhona manje lapha, futsi ufakazile kutsi nguJesu emkhatsini wetfu, usivusile, Nkhosi, ekweteleni kwetfu, tize tinhlitiyo tetfu tishaya ngekushesha ngekukholwa nendvumiso.

²⁷⁷ EGameni laJesu Khristu, kwangatsi konkhe kugula kungasuka kulabantfu kulomzuzu. Kwangatsi bangakhululwa kuko konkhe kugula kwabo netinhlupheko labanato. Ngiyala Sathane, ngeBukhona bajesu Khristu, esikhumbutweni seLivi laKhe, lelatsti, “NgeliGama laMi bayokhipha emadimon.” Tsine, njengebesilisa nebesifazane labakholwako, siphonsela insayeya lodeveli. EGameni laJesu Khristu, suka kulelibandla. Phuma kuwo wonkhe wabo. Futsi kwangatsi bangakhululeka, kusihlwa, kutsi baye ekhaya, kutsi batitfole bakhululekile ekuguleni, bakhululekile ebuhlungwini, bakhululekile ekuhlushweni, wonkhe wonkhe wabo, Nkhosi. EGameni laJesu Khristu kwangatsi kungabanjalo.

²⁷⁸ Tinhloko tenu tikhotseme manje, chubekani nikhulekelane. Manje, uma kukhona wesilisa noma wesifazane, lobe kanekungabata enhlitiywewi yabo, umfana noma intfombatane, futsi uyakholwa kutsi manje useBukhoneni baLowo lengikhulume ngaye kusihlwa, Lowente ngalokuphelele futsi wakutjela; futsi wafakaza kuwe ngeLivi laKhe, kutsi Uyokwenta, futsi uifikile futsi wenta kona kanye nje loko Latsi Uyokwenta, niyabona, emkhatsini wetfu kusihlwa. Futsi uma ungesuye umntfwana waNkulunkulu, ungenyukela lapha e-

altari lapho Moya loNgcwele angigcoba futsi agcoba laba labanye, futsi asikukhulekele? Ungeta yini sisakhotsamise tinhloko tetfu, nje tinhloko tetfu tikhotseme umzuzu, njengoba sisahamisha kitsi lucobo, "Kholwa kuphela, tonkhe tintfo."

²⁷⁹ Wena utsi, "Mnaketfu Branham, ngifune Nkulunkulu iminyaka, futsi a—a—angikaze ngikhone kugcwaliswa ngaMoya. Angisuye umKhristu lotelwe kabusha. Ngi—ngifuna kutalwa kabusha. Ngi—ngikufuna mbamba. Futsi mine, Mnaketfu Branham, ngifuna ungikhulekele."

²⁸⁰ Ningenukela lapha futsi nime lapha, sisahamisha leli, noma silihlabele kanye, netinhloko tetfu tikhotseme netinhlitiyo tetfu tikhotseme? *Kholwa Kuphela.* Ngiva ngiholeleka kwenta loku, ngandelela tsite. Angati. Angikwenti loku. Kodvwa ngiva ngiholeleka kutsi ngikwente khona manje, kutsi lolubito lufanele Iwentiwe. Ngako, loko, ekuphele ni kwemnyaka, uma ngima embikwenu futsi... Mhlawumbe ngingaphindzi futsi, uma ngibuya lapha umnyaka kusukela namuhla, kutobakhona... Uma ngiphila umnyaka, labanengi lapha bangeke. Niyabona na? Bangeke, ngoba kuneabantu labadzala lapha. Na—nalabanengi benu bangeke babekhona lapha umnyaka kusukela kusihlw, kodvwa ngitodzingeka ngihlangane nani ngalesinye sikhatsi. Ngako, eBukhoneni baKhristu, ngiyanicela kutsi nite ngaphambili manje, eGamemi laJesu, futsi niMemukele njengeMsindzisi wenu, sisahlabela manje netinhloko tetfu tikhotseme.

Kholwa kuphela, kuphela nje...

Nifuna ngikhuleke nani, ningeta lapha na?

Konkhe kungenteka, ungeke yini kuphela...

²⁸¹ Kholwa nje kutsi Ulapha, cabanga nje, Lowo lotsandzekako lotofanele ume ekwahluelweni kwaKhe ngalesinye sikhatsi. Uma sono sikuhlupha, ungete weta ngembili na?

... kholwa kuphela,

Konkhe...

Kunjalo. Yenyukani ngco. Nine nonkhe ni... Wota khona lapha, dzadze. Ukhona lomunye futsi longeta khona manje? Chubeka nje ute.

O Nkhosi, ngi...

Nguloko-ke. Nguloko-ke. Wota.

... Nkhosi, ngitokholwa,

²⁸² "Ngitokholwa khona manje, Nkhosi, Wena ulapha."

Konkhe...

"Ngitamile, Nkhosi, kodvwa angati. Konkhe kungenteka. Nkhosi, ngiyakholwa. Ngifuna kuba kahle naNkulunkulu. Nginga..." Nkulunkulu anibusise, bafana, labavela ngephandle.

²⁸³ [Lomunye umfo utsi, “Ubafunu bete *ngalapha*?”—Umhl.] (Manje, loko kulungile, mnaketfu. Kulungile nje. Ngitokwehlela kubo ngco. Ngitonitsatsa nonkhe sehle)

. . . O Nkhosi, ngiyakholwa,
Konkhe kungenteka, O Nkhosi, ngi . . .

²⁸⁴ Nkhosi, emvakwekuba Sewuvukile kulabafile, eminyakeni lengemakhulu lalishumi nemfica leyendlula, futsi lapha Wenta setsembiso kutsi siyoKubona etinsukwini tekugcina, kutsi Uyokwenta yona kanye lentfo. Futsi naku Ufika *ngalapha*, kusihlwa, khona embikwemehlo ami ngco, kulomnyaka wekuhlakanipha, umnyaka wesayensi, futsi wephula wonkhe umtsetfo wesayensi, wephula yonkhe intfo bagceki labayishito, futsi wehla ngco *emkhatsini* wetfu, futsi wafakaza kutsi Uvusiwe kulabafile. “Ngitokholwa, Nkhosi. Ngiyakholwa,” sisalihlabela futsi.

Nkhosi, ngiyakholwa . . .

²⁸⁵ Ningeta yini manje, nonkhe nine labanye? Chubekani nite nje. Yenyukani nje, nonkhe. Wonkhe lofuna kwemukela Khristu kusihlwa, ningete neta na?

. . . tintfo tingenteka, O Nkhosi, ngiyakholwa;
O Nkhosi . . . (“Nkhosi, ngitokholwa.”)

²⁸⁶ Akukho lokunye lokufanele kwentiwe, Nkhosi. Leso sibonakaliso sekugcina Lowasetsembisa. Kushumayela Livi, kophilisa labagulako; khumbulani, Livi lishunyayeliwe, labagulako uphilisiwe. Kodvwa nasi sibonakaliso sekugcina eBandleni lelibitelwe ngaphandle, liBandla lePhentekhostali lelibitelwe ngaphandle. Sibonakaliso salo sekugcina. “Ngitokholwa.”

²⁸⁷ Manje, njengoba sinalaba, inombolo lephelele lapha kusihlwa, yesikhombisa, kusho kuphelela. Bengifuna nje kuciniseka. UMoya loyiNgcwele . . . Aningiboni ngibanenkonzo yekophilisa, bese ngiyajika ngibuye ngco emuva futsi ngente kubitela e-altari. Niyabona na? Kodvwa Moya loyiNgcwele watsi, “Kwente.” Niyabona na? “Kwente khona manje. Lesi sikhatsi. Kwente.” Ngicabangile . . . Ngagucukela kuMnaketfu Mack. Watsi, “Kwente.” Naba, sikhombisa, inombolo lephelele. Kungahle kube kubita kwabo kwekugcina, kodvwa balalele. Bente kona kanye nje loko Nkulunkulu labatjele kutsi bakwente.

²⁸⁸ “Loyo lova emaVi aMi futsi akholwe NguloNgitfumile, unekuPhila lokuphakadze, akasayi ekwaHlulelwemi, kodvwa wendlulile ekufeni wangena ekuPhileni.” Bendlulilile ekufeni baya ekuPhileni.

²⁸⁹ “Loyo lonemahloni ngaMi embikwebantfu, yena Ngiyoba nemahloni ngaye embikwaBabe waMi netiNgelosi letingcwele. Kodvwa loyo loyoNgivuma embikwebantfu, yena Ngiyomvuma

naye embikwaBabe waMi netiNgelosi letingcwele.” Naba bemile, emadvodza lamatsatfu nebesifazane labane.

²⁹⁰ Futsi benati yini kutsi nguleyondlela emazinga ekutalwa langiyo eveni namuhla, e-United States na? Besifazane labane kuwo onkhe emadvodza lamatsatfu. Nguleyondlela-ke emazinga ekutalwa langiyo. Nati emazinga ekutalwa futsi kusihlwa, abuyela ebandleni. IMerica seyitfola kwayo kwekugcina. Seyiphelile. Nguloko kuphela. Sisesikhatsini sekugcina.

²⁹¹ Manje angati noma labanye besifazane, lomunye make lolungile noma wesifazane lapha, logcwaliswe ngaMoya loyiNgcwele, labatsatfu noma labane benu, labatota lapha, beme nalabodzadzewetfu, ngisaya kuyobakhulekela. Nabomnaketfu labatsatfu noma labane, mhlawumbe banaketfu lababafundisi lapha, behla, nime eceleni kwaletinsizwa letinhle letime lapha, nime khona lapha sisafuna kufakaza ndzawonye. Ngitokwehla, ngikhuleke, futsi ngibeke tandla etikwalabantfu laba. Futsi ngifuna wonkhe umuntfu kulelibandla kutsi akholwe kanye nami, sisakhuleka. Kunjalo. Nkulunkulu anibusise, bazalwane. Ngehlela lapho nani, kutsi ngibabeke tandla.

²⁹² Manje ngifuna wonkhe umuntfu ahloniphe ngekutitfoba sibili, uma nitsandza, umzuzwana nje, incenye lengcwele kakhulu.

²⁹³ Manje bukani. Nguloku kuphela labangakwenta. Ku...Bukisisani. Niyati, balivile liPhimbo laNkulunkulu, futsi benyukele lapha. Letinsizwa leti kulomnyaka, laba besifazane kulomnyaka, benyukele lapha kutsi bente kuvuma embikwebantfu bonkhe, sebacedzile ngesono. Ngitsite, “Nomangubani lofuna kwemukela Jesu Khristu njengeMsindzisi wabo, akete ngembili.”

²⁹⁴ NeBukhona baNkulunkulu benta yatiwe imicabango, batjela bantfu kutsi yini lengalungi ngabo, babobani, kutsiwani ngabo, babuyaphi, niyabona, uma lowo kungesuye Khristu, pho kuyini? Setsembiso. Nkulunkulu watsi Uyokwenta. Nalabobantfu, mhlawumbe kwekucala kutsi bake...Futsi bona, toni, batsite, “Yebo, ngiyakukholwa loko. Nguloko-ke. Nalo-ke Livi lelentiwe—lentiwe labonakaliswa. Lentiva inyama. Livi liyinyama futsi, Nkulunkulu asebenta ngenyama yemuntfu. Siyati kutsi kuliciniso.” Futsi bayenyuka batsi, “Sengicedzile ngesono.” Loko kuvuma embikwebantfu bonkhe. Loko kuyakwenta.

²⁹⁵ Manje, nine bantfu labatsandzekako lenenyukele lapha, ngalelinye lilanga ngiyofanele ngihlangane nani, dzadze, ngesheya kwemncele ngale, ngamunye wenu. Ngifanele ngihlangane nani ngalapho. Ngifanele ngitilandze ngaloko lengikushito. Bazalwane, ngifanele ngitilandze. Wena, ungahle kube wente tintfo letinhle kakhulu. Ungahle kube ulalele batali bakho. Ungahle kube wente tintfo letimangalisako. Kodvwa

intfo lenkhulu kunato tonkhe lowake wayenta emphilweni yakho nguloko lokwentako khona manje. Niyabona na? Leyo yintfo lenkhulu kunato tonkhe lowake wayenta.

²⁹⁶ Manje, uma Nkulunkulu—uma Nkulunkulu atfumele phansi uMoya waKhe futsi wafakaza, yase-ke yona kanye nje leNtfo lekhulume ngami futsi yatsi, “Yenta kubita.” Manje, uma wake waba semihlanganweni phambilini, uyatì angikwenti loko. Ngiyaye ngiyibuyisele kumelusi. Kodvwa Utsite, “Yenta loku.” Niyabona na? Ngase-ke ngiyakwenta. Ngekushesha impela, bengito. Bekukhona lotsite ngalapha, futsi bekundzawanatsite ngibone loko kuKhanya kuhamba etikwabo. Ngacala. Futsi khona masinyane nje, Kwajutjwa. Nicaphelile kutsi Kuntjintje kanjani? Watsi, “Yenta loku.” Watsi, “Bita khona manje.” Nguloko kuphela lebengingakwenta. Kunjalo. Nguloko kuphela lebengingakwenta. Naku laph’ukhona.

²⁹⁷ Manje, Jesu watsi, kuJohane loNgcwele 5:24, niyabona, nguloku, lokwa, “Loyo lova emaVi Ami, futsi akholwe Ngulolo Ngitfumile, unekuPhila loku ngunaphakadze.” Uyakukholwa loko, ndvodzana? Uyakukholwa loko, ngamunye wenu madvodza? Nine besifazane niyakukholwa loko? Nguloko kuphela leningakwenta.

²⁹⁸ Khona-ke nentani? Yemukelani. Akukho leningakwenta. Utsi, “Nkhosi,” enhlitiywéni yakho, “Ngiyacolisa ngaloko lengikwentile. Ngiyakwemukela ngekujabula loko Jesu langentele kona. Kusihlwá, kusukela kuleli-awa kuchubeke, ngitoMphilela. Ngitomemukela Jesu Khristu njengeMsindzisi wami. Ngitokwemukela umbhabhatiso wemaKhristu. Ngikhola kutsi Utongigcwálisa ngaMoya loyiNgcwele. Ngifuna kuphilela Wena.”

²⁹⁹ Sikhashanyana nje futsi nitofola yonkhe intfo iguculiwe, futsi nisidalwa lesisha. Kuphila lokusha kuyangena, futsi niphila kusukela lapho kuchubeke. Futsi ngiyoohlanguana nani futsi esihlalweni sekwahlulelwa saKhristu, ngamunye wenu. Ngitoohlanguana nani lapho, futsi ngitodzingeka ngibopheleleke kuloko lengi... Nkulunkulu utongenta ngibopheleleke. Kodvwa uma utokwemukela etikwe... Utsi, “Nomayini lengiyentile, Uyati, Ngenyukela lapha embikwalabantfu laba kukhombisa kutsi ngiyacolisa. Angi... Beningakaondzi kwenta loko. Angisafuni kuphindze ngikwente. Sengicedzile.” Nguloko loku...

³⁰⁰ Manje ngifuna nikhotsamise tinhloko tenu. Ngifuna ngamunye wenu bomnaketfu nabodzadzewetfu kutsi ningibeke tandla. Ngifuna umunntfu welibandla ngamunye ekhatsi lapha, umKhristu ngamunye, kutsi nikhotsamise tinhloko tenu ngemkhuleko lotfobekile ngisakhuleka. Futsi ningakhuleka kanye nami, kutsi Nkulunkulu utosipha lesicelo les?

³⁰¹ Manje, Babe loseZulwini, naku kume wesifazane akhala, intfombi, intfombi lenhle ime lapha, ikhala. Yena... [UMnaketfu Branham uchubeka nekukhuleka nebantfu. Akucoshwanga etheyiphini—Umhl.]

³⁰² ...etikwaKho ucinisa loko Lowatsi Uyokwenta. Wetsembisa kutsi Uyokwenta. Wehlile futsi waphilisa labagulako nalabafako, futsi baguculiwe kusuka ekufeni baya ekuPhileni.

³⁰³ Besé kutsi-ke labanye, ngekwakamoya bayafa, baphutfuma e-altari. TiNgelosi taseZulwini tiyatfokota, ngekusho kweLivi laNkulunkulu, “Lolahlekile sewubuyile.” Jesu wakhipha emadimoni ngemuno waNkulunkulu, kodvwa ngesikhatsi Asindzisa imvu, Wambeka etikwelihlombe laKhe, indzawo lecine kakhulu emtimbeni waKhe, wase uyamngenisa.

³⁰⁴ Manje naba ke, Nkhosi. SebaKho. Ngibanikela kuWe, njengetimpawu telutsandvo teBukhona baKho kusihlwa. Bagcine, Nkhosi, ngekuthula lokuphelele. Futsi ubaphe kuPhila lokuPhakadze, kute bangabhubhi nhlobo, kodvwa baphile ingunaphakadze. Nkulunkulu, Wetsembisa kutsi Uyomvusa ngelusuku lwekugcina. Ngiyakukholwa loko. Futsi sebaKho.

³⁰⁵ Manje tinhloko tetfu tikhotseme, wonkh’umuntfu. Ngifuna kunibuta nine lenita e-altari njengamanje, kutsi, kusukela—kusukela phansi ekugcineni kwenhlitiyo yenu, nite ngebacotfo. Futsi kusukela phansi ekujuleni kwenhlitiyo yenu niyakholwa kutsi liBhayibheli licinisile; kutsi Jesu Khristu, iNdvodzana yaNkulunkulu, wafela esikhundleni senu. Awukalifaneli. Awukafaneleki. Uyakwati. Kodvwa ngenga yekutsi bewungakafaneleki, Nkulunkulu waMtfumela, Loyo lofanelekile; kutsi wena, ekungafanelekeni kwakho, ungahe wentiwe emadvodzana nemadvodzakati aNkulunkulu. Akukho lutfo... Kodvwa nje intfo letsite enhlitiyeweni yakho iyakutjela kutsi loko kucinisile, futsi uyakwemukela. UyaLikhholwa ngenhlitiyo yakho yonkhe, futsi uMemukele njengeMsindzisi wakho. Akukho lutfo lolwentile, kodvwa loko lokukholwako kutsi ukwentile Yena. UyaKukholwa. Ngifuna uphakamise sandla sakho, utsi, “Mine manje, eGameni laKhristu, ngitomemukela Jesu Khristu kutsatsa indzawo yami lapho.” Nguloko kuphela Lafuna kukwenta, kutsatsa indzawo yakho. Nkulunkulu akubusise, futsi akubusise. “Utotsatsa indzawo yami.”

³⁰⁶ Manje ngifuna nigucuke nibheke ngco ngasetetsamelini, nicondze ngco ngasetetsamelini. Nigucuke nje nibheke *ngalapha*, ngasetetsamelini. Ngifuna nine bantfu lenimile, nikhuleka, ngifuna nonkhe nibuke labantfu laba. Manje babukisiseni lapho baphakamisa tandla tabo.

³⁰⁷ Nine lenatiko kutsi benitoni, futsi manje nendlulile ekufeni nangena ekuPhileni, phakamiselani tandla tenu

emoyeni futsi *kanjalo*. Phakamisani tandla tenu. Ngifuna nine lenisetetsamelini lenibemukelako njengebanaketfu nabodzadzewetfu, phakamisani tandla tenu *kanjalo*. Manje, nako laph'ukhona.

³⁰⁸ Ludvumo kuNkulunkulu! Akadvunyiswe Nkulunkulu! SebaKho. Bangemadvodzana nemadvodzakati aNkulunkulu, labahlengiwe.

³⁰⁹ Manje asitsi, wonkhe umuntfu akhotsame, tinhloko tetfu, futsi sinikele kubonga kuNkulunkulu ngaloko Labentele kona.

³¹⁰ Bangakhi ekhatsi lapha, lobekagula, lotive agula, futsi manje phakamisa sandla sakho, utsi, “Ngiyakhola kutsi ngiyati kutsi Bukhona baJesu Khristu kusihlwa bungisindzisile. Angisaguli.” Phakamisani tandla tenu, nonkhe. Bukani lapha, tonkhe tetsameli. Kuhle. “Manje sengisindzile ngeNgati yaJesu Khristu.”

³¹¹ Manje, asikhotsamise tinhloko tetfu futsi. Futsi ngamunye, nine bantfu, yenyukani, bekani tandla tenu etikwalabantu laba, nine maKhristu. Ufuna kubanika ligunya lenhlanganyelo, futsi ubabusise, futsi ubamemele ebandleni lakho, noma ngabe wentani. Nkulunkulu abe nawe.

³¹² Futsi asikhotsamise tinhloko tetfu manje. Futsi ngamunye wetfu, ngendlela yetfu, akabonge Nkulunkulu ngaloko Lakwentile. Kulungile. Asikhotsamise tinhloko tetfu.

³¹³ Mnaketfu Mack, kungani ungeti lapha usihole kulomkhuleko. Yebo, Nkhosi. Yebo.



HAMBA, UVUSE JESU SSW63-1103
(Go, Wake Jesus)

LoMlayeto ngeMnaketfu William Marrion Branham, kwekucala wetfulwa ngesiNgisi ngeliSontfo kusihlwa, ngenyanga yeLweti 3, 1963, eGrantway Assembly Of God eTucson, eArizona, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Loku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org